



ՄԱՅՐ ԱԹՈՒ ՍՈՒՐԲ ԷԶՍԻԱԾՆԻ
ԿՐՈՆԱԿԱՆ, ՄՇԱԿՈՒԹԱՅԻՆ,
ԼՐԱՏՎԱԿԱՆ ԵՐԿՇԱԲԱԹԱԹԵՐԹ

21 օգոստոսի


ՏՈՆ ԾՆՆԴՅԱՆ ԳԱՐԵԳԻՆ Բ ԱՄԵՆԱՅՆ ՀԱՅՈՑ ՀԱՅՐԱՊԵՏԻ

ՎԵՀԱՓԱՆ ՏԵՐ,
Մենք՝ Հայաստանյայց Առաքելական Ս. Եկեղեցու զավակներս, ի խորոց սրտի շնորհավորում ենք Ձեզ՝ ծննդյան օրվա կապակցությամբ, ցանկանում քաջ առողջություն եւ երկար ու ձիգ տարիների կյանք: Աղոթում ենք, որ ամենագույթ Տերը պարգևի Ձեզ հոգու անբավ խաղաղություն, ծով համբերություն, աննկուն կամք եւ երկարատև գահակալության անսովեր ու լուսաշող ըն-

թացք: Թող Աստված Ձեր բոլոր երազանքներն ու նպատակները պսակի հաղթանակի բերկրանքով՝ ի փառս ու շենություն մեր Սուրբ Եկեղեցու եւ հայրենիքի:

Որդիական սիրով, խոնարհումով ու սկնածանքով՝

«Բրիստոնյա Հայաստան» թերթի
խմբագրություն, հեղինակներ
եւ ընթերցողներ



Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի խոսքը ՀՀ Ազգային Ժողովի 8-րդ գումարման անդրանիկ նիստին (2 օգոստոսի, 2021 թ.)



Մեծարգո՝ նախագահ Հայաստանի Հանրապետության,
Հարգելի՛ նախագահող,
Հարգելի՛ պատգամավորներ եւ ներկաներ,
Հայրապետական Մեր օրհնությունն ենք բերում ձեզ՝ Ազգային ժողովի 8-րդ գումարման անդրանիկ նիստի առիթով եւ շնորհավորում նորընտիր պատգամավորներին:

Այսօր մեր հայրենիք Հայաստանն ու Արցախը դիմակայում են արտաքին եւ ներքին լուրջ մարտահրավերների՝ հանդիման Ադրբեյջանի կողմից շարունակվող ագրեսիայի ու ծավալապաշտական նկրտումների: Հայրենական կյանքում ծառացած հիմնախնդիրները

հաղթահարելու համար հրամայական են պետական, քաղաքական գործիչների եւ ողջ հասարակության համախմբումը, քաղաքացիական պատասխանատվության բարձր գիտակցությունը, համընդհանուր զգաստությունն ու բարեխոնությունը: Բոլորիս փափակն է՝ ձգտումն են մեր հայրենիքի անվտանգությունն ու առաջընթացը, խաղաղ եւ բարեկեցիկ կյանքի կերտումը, որը մեծապես պայմանավորված է նաեւ օրենսդիր մարմնի եւ ձեռնարկվող կառավարության գործունեությամբ:

Այսօր դուք ստանձնում եք ձեր պարտականությունները՝ օրենսդրական նախաձեռնություններով կարելու ներդրում բերելու տնտեսության շարունակական զարգացման, գիտության, կրթության, մշակույթի առաջընթացի գործում, պաշտպանելու անխաթարությունը մեր ինքնության ու արժեքների եւ հաստատուն պահելու արդարությունն ու իրավունքը: «Երանի նրանց, ովքեր իրավունքն են պահում եւ ամեն ժամ արդարություն գործում», – ասում է Սուրբ Գիրքը (Մատթ. 105.3)՝ վկայելով, որ արդարությունն ու օրինապահությունն են գրավականը երկրի եւ ժողովրդի բարօրության ու հարկընթաց բարգավաճման: Օրենսդրական ձեր գործունեությունը՝ ար-

դարության եւ իրավունքի գերակայությամբ, միտված պետք է լինի ձեռնարկվող անհրաժեշտ միջավայր ու հնարավորություններ մեր պետության հզորության եւ ապահովության, մեր երկրի արժանապատիվ կյանքի համար: Այս նվիրական դարավոր իդան իրականություն դարձնելու ուղին մեր հայրերի պատգամի իրագործումն է, որոնք ըստ Ավետարանի ուսուցանել են, որ օրենքն է մարդու համար, եւ ոչ թե մարդը՝ օրենքի (հմտ. Մատթ. 2.27):

Մեր երկրում տիրող ներկայիս ծանր իրավիճակում եւ տարածաշրջանում առկա բարդ ու դժվարին հանգամանքներում մենք կենսականորեն պետք ունենք միասնության, հանդարտության, հուզումների ու լարվածության թողափման՝ ատելության, վրեժխնդրության ու պառակտումների փոխարեն: Մենք՝ ամենքս, պետք է քաջ գիտակցենք, որ ազգային եւ հասարակական համերաշխությանն այլընտրանք չկա: Առաջնահերթորեն եւ այս խորհրդարանից, կառավարական համակարգից պիտի սերմանվեն սերը, փոխհասկացողությունը, բարի կամեցողությունը հասարակությունում: Ետդիմարական գործունեության ընթացքում հնչող քննադատությունները թող լինեն միայն կարուցելու եւ փախուցելու նպատակով, ծավալվող բանավեճերը՝ ճշմարտությունը գտնելու, ճշմարտության հոգով առաջնորդվելու եւ այդ ճշմարտության վրա խարսխելու օրինահարգ հանրային կյանքը եւ պետության կենսագործունեությունը:

Հայրապետական Մեր հորդորն ենք բերում ձեզ, որ քաղաքական հայացքների եւ տեսակետների բազմակարծությամբ հանդերձ՝ մեր հայրենիքի եւ ժողովրդի լուսավոր ապագայի կերտման նույն ձգտումով աշխատեք համա-

խումբ՝ մեր պետության անասանության, ներքին ու արտաքին մարտահրավերների հաղթահարման, արտագաղթի կանխման, Սփյուռքի հետ կապերի ու գործակցության առավել արդյունավորման ջանքերով: Ամուր պահեք հավատարմությունը մեր հոգեւոր եւ ազգային արժեքներին, հայրենիքի գերագույն շահերին, մեր սուրբ նախնայց եւ հայրենյայց պաշտպան հաւատակ զավակների հավատին ու նվիրական տեսիլքին, որպեսզի ազգովի ունենանք շնորհն ու գործությունը կերտելու մեր պետության եւ հայրենական կյանքի զարթոնքը:

Մեր Սուրբ Եկեղեցին բոլոր ժամանակներում առաջնորդել է մեր ժողովրդին հոգու փրկության, մտքի լուսավորության, ազգային կյանքի վերելքի, նաեւ օրինել ազատագրական պայքարները, սատարել պետականության վերահաստատման մաքառումներին: Հայաստանյայց Առաքելական Սուրբ Եկեղեցին այս տեսլականով միշտ իր ձայնն է բարձրացնում՝ հայրենիքի համար վտանգավոր ընթացքների, ազգային ինքնության սպառնալիքների, մեր ժողովրդի իրավունքների ու արժեքների ոտնահարման դեմ: Հավատարիմ իր կոչմանը՝ մեր Սուրբ Եկեղեցին պիտի շարունակի տերունապատվեր իր առաքելությունը՝ գորակից ու օգտակար լինելով հայրենաշեն ու ազգաշահ բոլոր ջանքերին՝ ի սեր մեր ժողովրդի եւ պետության:

Աղոթում ենք, որ Աստված իմաստություն պարգևի եւ աջակից լինի ձեզ՝ ձեր գործունեության մեջ, որպեսզի Ազգային ժողովի առաքելությունն արգասավորվի ցանկալի արդյունքներով՝ հանուն հայրենիքի առաջընթացի, մեր ժողովրդի խաղաղ, ապահով ու արժանապատիվ կյանքի: Բարի եւ օրհնյալ ընթացք Ազգային ժողովի 8-րդ գումարման աշխատանքներին:

Մայր Աթոռ Ս. Էջմիածնի դիվանադեսը հյուրընկալեց «Հայկյան» մրցանակաբաժնության հաղթողներին



Օգոստոսի 9-ին Մայր Աթոռ Ս. Էջմիածնի դիվանապետ Արշակ Եպս Խաչատրյանը «Վաչե եւ Թամար Մանուկյան» մատենադարանում հյուրընկալեց «Armenia First» մախաձեռնության եւ «Help Foundation» հիմնադրամի կողմից համատեղ կազմակերպված «Հայկյան» մրցանակաբաժնության հաղթող հայորդիներին, որոնք 44-օրյա Արցախյան պատերազմի ընթացքում եւ դրանից հետո իրենց աջակցությունն են բերել Արցախին ու Հայաստանին:

Հանդիպմանը «Help» հիմնադրամի համահիմնադիր Լուսինե Փիրոյանը սրբազան հորը ներկայացրեց հյուրերին, ինչպես նաեւ տեղեկություններ փոխանցեց Հայաստանում եւ Արցախում իրականացվելիք մոր մախաձեռնությունների ու ծրագրերի վերաբերյալ:

Արշակ սրբազանը, ողջունելով հայորդիների այցը Մայր Աթոռ Ս. Էջմիածին, նրանց փոխան-

րում աջակցություն ցուցաբերելու համար:

Մայր Աթոռի դիվանապետը չափազանց կարեւոր համարեց հոգեւոր միասնական արժեքների՝ մասնավորաբար Հայ Եկեղեցու շուրջ հայության համախմբվածության ամհրաժեշտությունը, որն առանցքային գործոնն է ազգի եւ հայրենիքի առջեւ ծառացած մարտահրավերների հաղթահարման:

Ըստ սրբազան հոր՝ հայ հասարակության եւ Եկեղեցու առջեւ ծառացած մարտահրավերներն ու փորձությունները հաղթահարելով է հնարավորություն ստեղծվում ձգտելու եւ հասնելու հաղթանակների:

Իրենց հերթին հիմնադրամների ներկայացուցիչները շնորհակալություն հայտնեցին Հայ Եկեղեցուն՝ հայկական մշակութային եւ հոգեւոր ժառանգության պահպանության գործում ներդրած ջանքերի ու կատարվող աշխատանքների համար:

Գեց Ամենայն Հայոց Հայրապետի օրհնությունն ու բարեմաղթանքները: Դիվանապետ սրբազան հայրն իր երախտագիտությունը հայտնեց հիմնադրամների ներկայացուցիչներին եւ «Հայկյան» մրցանակակիրներին՝ տարբեր ժամանակաշրջաններում, հատկապես 44-օրյա Արցախյան վերջին պատերազմի ընթացքում, Հայաստանին եւ Արցախին տարբեր ոլորտներում աջակցություն ցուցաբերելու համար:

Մայր Աթոռում նշվեց Սուրբ Աստվածածնի Վերափոխման տոնը

Օգոստոսի 15-ին Հայաստանյայց Առաքելական Սուրբ Եկեղեցին տոնախմբեց Սուրբ Աստվածածնի Վերափոխման տոնը: Այս բերկրառատ օրվա առիթով, Սուրբ Գայանե վանքում, Մայր Աթոռի միաբանությունը մասնակցեց Պատարագի սրբազան արարողությանը: Պատարագիչն էր Մայր Աթոռ Ս. Էջմիածնի միաբան, Հայաստանի աստվածաշնչային

ապրել Վերափոխման խորհրդի իրականության մեջ՝ խնդրելով Սուրբ Կույսի բարեխոսությունը:

Եզնիկ սրբազանը հատուկ անդրադարձ կատարեց որդեկորույս մայրերին՝ վերջիններիս կրած ծանրագույն ցավերն ու վշտերը համեմատելով Աստվածամոր տառապանքների հետ. «Աստվածամոր նման բազմաթիվ մայրեր կան այսօր Հայաստանում, ովքեր զավակներ կորցրեցին, ովքեր ունեն այն նույն մայրական ցավը, ինչ Աստվածամայրն ուներ, եւ որոնց համար Աստվածամայրն իբրեւ օրինակ կարող է լինել՝ դիմագրավելու այն ցավերին, որոնք այսօր ունեն իրենց հոգում եւ իրենց սրտում:

Այս մտածումներով մաղթենք, որ ամոքվեն վերքերը՝ հոգեւոր վերքերը մեր բոլոր մայրերի, որոնք որդեկորույս են այսօր, ամոքվեն վերքերն այն բոլոր կանանց, որոնք իրենց ամուսիններին կորցրեցին, եւ ամոքվեն վերքերն այն բոլոր երեխաների, որոնք իրենց հայրերին կորցրեցին: Թող Աստվածամայրը ձեր որդիների հետ լինի այժմ եւ միշտ եւ հավիտյան հավիտենից. Ամեն»:

Վերջում պատարագիչ սրբազանը, աղոթք վերառաքելով առ Աստված, եւս մեկ անգամ հաստատեց, որ Աստվածամայրը կենդանի է, նա մեզ հետ է: Քրիստոս այս պահին գալիս է Աստվածամորը փոխադրելու: Վաղը նույնպես Աստվածամայրը մեզ հետ է լինելու՝ բոլորիս սրտերում:



ընկերության գլխավոր քարտուղար Եզնիկ արք. Պետրոսյանը:

Սրբազան հայրը, իր քարոզում անդրադառնալով տոնի խորհրդին, մասնավորապես նշեց. «Երկու հազար տարի առաջ Աստվածա-



մայրը մեզ չլքեց եւ չզնաց, այլ ապրում է մեր մեջ, ապրում է բոլոր մայրերի մեջ, եւ մենք անցյալով չենք խոսում Աստվածամոր մասին, որովհետեւ նա այսօր մեզ հետ է»:

Այնուհետեւ սրբազան հայրը, անդրադառնալով առաջին դարում տեղի ունեցած իրադարձություններին, խոսեց Սուրբ Աստվածածնի կերպարի եւ փրկագործության պատմության մեջ նրա ունեցած դերակատարության մասին, ինչպես նաեւ Վերափոխման տոնի խորհրդին՝ պատգամելով ներկաներին

Հավարտ սուրբ Պատարագի, հանդիսապետությամբ Մայր Աթոռ Սուրբ Էջմիածնի լուսարարապետ Մուշեղ Եպս Բաբայանի, Սուրբ Տրդատի բաց խորանին կատարվեց հաղորդինքի արարողությունը:

Վերջում օրհնված խաղողի ողկույզները բաժանվեցին հավատավոր ժողովրդին:

Լրատվական Նյութերը՝
Մայր Աթոռ Սուրբ Էջմիածնի տեղեկատվական համակարգի

Նոր նշանակումներ

Ն. Ս. Օ. Տ. Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսի հայրապետական տնօրինությամբ կատարվել են Եկեղեցականների մոր նշանակումներ:

Մեսրոպ վրդ. Պարսամյանը, ազատվելով

Գեւորգյան հոգեւոր ճեմարանի տեսչի պաշտոնից, ծառայության է կոչվել ԱՄՆ արեւելյան հայոց թեմում՝ թեմակալ առաջնորդի իշխանության ներքո:

Շահե Ծ. վրդ. Անանյանը նշանակվել է Գեւորգյան հոգեւոր ճեմարանի տեսուչ:

Կարգալույծ են հռչակվել Պետրոս արքեպսկոպոսի Ազարյանը եւ Գեղարդ արքեպսկոպոսի Հովհաննիսյանը

Ն. Ս. Օ. Տ. Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսի հայրապետական տնօրինությամբ կարգալույծ են հռչակվել Պետրոս արքեպսկոպոսի Ազարյանը եւ Գեղարդ արքեպսկոպոսի Հովհաննիսյանը: Տնօրինության համար հիմք է ծառայել Պետրոս արքեպսկոպոսի Եկեղեցական ծառայությունից հրաժարվելու մասին խնդրագիրը:

Կարգալույծ եկեղեցականն այսուհետ կդասվի աշխարհականների շարքին՝ Նորայր Ազարյան ավագանի անունով:

Իսկ Գեղարդ արքեպսկոպոսի Հովհաննիսյանի կարգալուծության համար հիմք են ծառայել Արցախի թեմի առաջնորդ Վրթանես Եպս Աբրահամյանի գեկուցագիրը եւ Մայր Աթոռ Ս. Էջմիածնի կարգապահական հանձնախմբի եզրակացությունը՝ Գեղարդ արքեպսկոպոսի Հովհաննիսյանի ծառայության վայրն ինքնակամ լքելու եւ կարգազանց ընթացքի վերաբերյալ:

Կարգալույծ եկեղեցականն այսուհետ կդասվի աշխարհականների շարքին՝ Գագիկ Հովհաննիսյան ավագանի անունով:

ՀԱՅՏԱՐԱՐՈՒԹՅՈՒՆ

Գեւորգյան հոգեւոր ճեմարան (աստվածաբանական համալսարան)
2021—2022 ուս. տարվա ասպիրանտուրայի ընդունելություն

Մայր Աթոռ Ս. Էջմիածնի Գեւորգյան հոգեւոր ճեմարանը (աստվածաբանական համալսարան) հայտարարում է 2021—2022 ուս. տարվա ասպիրանտուրայի ընդունելություն՝ «Աստվածաբանություն» մասնագիտությամբ (թվանիշը՝ ԻԵ.00.01):

ԳՅԾ-ի ասպիրանտուրա կարող են ընդունվել մագիստրոսի կամ դիպլոմավորված մասնագետի աստիճան ունեցողները:

Ասպիրանտուրա ընդունվելու համար անձի դիմումը լրացվում է ԳՅԾ-ի քարտուղարությունում՝ կցելով հետևյալ փաստաթղթերը.

- ինքնակենսագրություն, անձնագրի պատճենը եւ 3 լուսանկար (3x4 չափսի),
- մկրտության վկայականը,
- բակալավորի եւ մագիստրոսի դիպլոմների ու դրանց միջուկների պատճենները,
- օտար լեզու, նաեւ ինֆորմատիկա եւ տեղեկատվահաղորդակցական հիմունքներ առարկաների ատեստավորման վկայականը կամ դրան համապատասխան տեղեկանքը.

- անգլերեն — «TOEFL» (iBT)՝ 46 եւ «IELTS»՝ 5.5 միավոր,
- ֆրանսերեն — «TCF»՝ 200 միավոր,
- գերմաներեն — «on DaF»՝ 60 միավոր,
- ինֆորմատիկա եւ տեղեկատվահաղորդակցական հիմունքներ՝ 25 միավոր:
- Աստվածաբանական գիտությունների շրջանակներում գրավոր գիտական աշխատանք (իրատարակված կամ անտիպ, pdf կամ word ձևաչափով):

Ասպիրանտուրայի դիմորդների փաստաթղթերն ընդունվում են 2021 թ. օգոստոսի 16-ից սեպտեմբերի 18-ը՝ երկուշաբթիից շաբաթ, ժամը 10:00—16:00-ը:

Լրացուցիչ տեղեկությունների համար կարող եք դիմել Գեւորգյան հոգեւոր ճեմարանի ասպիրանտուրայի բաժնի.

հեռախոս՝ (+374 77) 402026
էլ. հասցե՝ gevorgianseminary@gmail.com

Դրվագներ Վան-Վասպուրականում Արմենական, Հնչակյան եւ Ռաշնակցական կուսակցությունների գործունեությունից

19-րդ դարի 90-ական թվականներին Երզրում գործող քաղաքական ուժերի գործունեությանը բնորոշ երեւոյթ էր զինատար խմբերի կազմակերպումը եւ դրսից զենքի ու զինամթերքի պաշարների փոխադրությունը: Չենք երկրի ներսում դժվար էր ճարվում, քանի որ «...հոն ներքի շուկայ չէր ստեղծուած, քանիս չէր, որ ստեղծուի» (Ռուբէն, հայ յեղափոխականի մը յիշատակները, Թեհրան, 1982, էջ 24):

Իսկ առանց զենքի՝ անկարելի էին դառնում հայոց կուսակցությունների գոյությունն իսկ եւ ազգապաշտպան ծրագրերի իրականացումը: Այդ էր պատճառը, որ եւ արմենականները, եւ հնչակյաններն ու դաշնակցականները հետամուտ եղան զենքի փոխադրության գործը կազմակերպելուն:

Ռաշնակցականները զենքերը փոխադ-

րում էին ոչ միայն Պարսկաստանից, նաեւ Ռուսաստանից, որոնք «այնքան սուղի կը մտնէին իրենց փոխադրական ծխքերով», ուստի եւ աննպատակահարմար (նույն տեղում): Հետզհետեւ Սալմաստում եւ Թավրիզում բացվում են զինագործական արհեստանոցներ՝ «...շինելու համար զենքերու փայտէ կորերը եւ երկաթային այն մասերը, որ հնարավոր է» (նույն տեղում, էջ 25): Չենքի փոխադրության գործը ճանապարհների ծայրաստիճան վտանգավոր, անապահով ու դժվարանցանելի լինելու պատճառով մեծ բարդությունների հետ էր կապված: Գործում էին զինատար մի քանի երթուղիներ: Պարսկաստանից զենքի փոխադրումը Սալմաստ — Վան ճանապարհով շուրջ 160 կիլոմետր է, իսկ Խոյ — Թաղեւոս առաքյալի վանք — Վան 200 կմ: ➔ էջ 3, 5

Վաթսուռականների արձակագիրներ. Ժամանակը եւ հերոսը

Սկիզբը՝ թիվ 12–14

Եր ապրած ժամանակի եւ իրականության պատկերի հայտնաբերման, կյանքի ճշմարտության բացահայտման հարցն առնչվում է մարդու հոգեկան կերտվածքի, նրա ապրած վիճակների, հարաբերությունների, ձգտումների ու որոնումների, կյանքը գնահատելու եւ իմաստավորելու սկզբունքների, խոհերի ու հույզերի, արտաքին պահվածքի ու ներքին մեղախոսությունների բարդ ու բազմաշերտ համակցությանը: Այս հարցերի արծարծման, գեղարվեստական մեկնաբանման ընթացքում առաջնահերթ նշանակություն ունեն ասելիքի ճշմարտացիությունը, ժամանակի մարդուն իր կյանքի որոշակի պայմաններում պատկերելու հմտությունը, նրա նկարագրի բնականության, անգամ նախակերպարային հավաստիության պահպանումը: Այս դեպքում է արդեն, որ բուն կյանքի ու նրա մասին ունեցած պատկերացումների հարաբերությունը պահանջում է ճիշտ համապատասխանություն: Խոսքը վերաբերում է ոչ թե նյութի գեղարվեստական վերարտադրման ձեւին, որ կյանքի բնական պատկերի համամասնությունների պահպանման հետ մեկտեղ կարող է դրսևորվել նաեւ պայմանական կառուցվածքների ու վիճակների հեղինակային վերափոխումների տեսքով, այլ, առաջին հերթին, նյութի իմաստի խոր ըմբռնմանն ու նպատակաուղղվածությանը: Կյանքի ճշմարտության զգացողությունն ու այդ զգացողության ճշմարտացի վերարտադրումն են, որ հանրային կյանքում ապահովում են գրականության առաջատար դերը: Կյանքի ճշմարտություն, ինչը, իր մեջ ներգրավելով մարդկային կենսագրության բազմաթիվ տարբերակներ, ի վերջո, կարողանում է գտնել այն գլխավորը, որ խտացնում է ժամանակի հարուստ պատկերը: Իսկ այդ գլխավորի հայտնաբերումը դրսևորվում է հարցադրումների, կերպարների, զանազան մանրամասների ու նրբերանգների մի որոշակի կազմով, ինչով բնորոշվում են տվյալ ժամանակը, տվյալ ժամանակի մարդը, այդ մարդուց սերված հերոսը:

Ժամանակակից մարդու կերպարի կերտման ելակետերը բազմազան են ու տարբեր: Սակայն խոսքն այս դեպքում չի առնչվում այդ հարցին, այլ այն, թե ինչքանով են այդ բազմազան ու հարուստ մեկնաբանությունների մեջ հայտնագործվում ժամանակի ոգին, իրականության խոր ու բովանդակալից պատկերը: Ինչքանով է բարձր գրականության փաստ

դառնում հանրային տեսակետից կարեւորություն ունեցող անհատի կերպարը:

Ժամանակակից մարդու գրական կերպարի կերտման գործում գլխավորն իրականության մեջ նրա ունեցած հանրային նշանակությանն ու արժեքի հարցն է, ինչը, սակայն, համոզես չի գալիս ինքնակա ձեւով: Հանրային նշանակության անհատն իր մեջ ներառում է կյանքի գլխավոր վիճակներն ու հարաբերությունները՝ կենցաղային «մանրուքներից», ընտանեկան փոխհարաբերություններից, աշխատանքային գործունեությունից մինչեւ ներաշխարհային բազում անդրադարձումներն ու հոգեկան տարատեսակ ապրումները: Նկարագրի հարուստ ընդգրկումն ամենեւին միակ նախապայմանը չէ ժամանակի ոգին վերարտադրելու համար, ուղղակի ավելի նպատակահարմար է, որ այս հիմքի վրա ձեւավորվի այսօրվա իրականությունն իր մեջ կրող անհատի կերպարը: Իրականությունը, ի վերջո, տարբեր բեկումներով արտացոլվում է ժամանակակից մարդու էության մեջ՝ անկախ նրա հոգեկան հարստությունից եւ հանրային կարեւորությունից: Կյանքի հարստությունը բացահայտվում է նաեւ սովորական, ամենաշատ մարդկանց կենսագրության ու գրական կերպարի մեջ: Այդ ամենի առկայությունը, ամուշտ, հարստացնում է մեր պատկերացումները կյանքի մասին, սակայն դրա հետ մեկտեղ կա նաեւ ժամանակի համար գլխավորի, հիմնականի, բնորոշի խնդիրը: Ամենեւին պատահական չէ, որ Լերմոնտովն իր վեպն անվանել է «Մեր ժամանակի հերոսը»: Վերնագիրն ինքնին արդեն դիրքորոշում է եւ գեղարվեստական ծրագիր: Ահա այս ելակետից է, որ այդ վերնագիրը ցանկանում են կիրառել նաեւ ժամանակակից գրականության վերաբերյալ եւ որոնել ու գտնել մեր ժամանակի հերոսին, այսօրվա հայ մարդուն, իր ժողովրդի պատմությունն ու այսօրվա իրական կյանքն իր մեջ կրող այն անհատին, որի նկարագիրը համատեղում է թե՛ ազգային կյանքի ու խնդիրների, թե՛ դարաշրջանի մտահոգությունների ու ցավերի եւ թե՛ իրականության հոգեկան, բարոյական դրսևորումների հավաստի պատկերը:

Բարդ ու հարուստ կյանքով ապրող այսօրվա մարդը նոր ու դժվարին խնդիրներ է դնում գրականության առջեւ: Երեկվա պատկերացումներն այսօր այլեւս անելիք չունեն: Կյանքը հոսում ու շարժվում է առաջ եւ պահանջում, որ գրվեն հատկապես տվյալ ժամանակի վեպը, բանաստեղծությունն ու խորհրդածությունը, հակառակ դեպքում վաղն արդեն ուշ կլինի, իսկ ժամանակը կմնա առանց գեղարվեստական վավերացման:



1937 թ. ապրիլի 13-ի գրառումների մեջ նախագիտական շնչով Չարենցն աղերսում էր իր ներշնչանքի մուսային. «Տուր ինձ, ո՛վ ապրողմյան արեւ, մշարն այս հոգեւոր, որպեսզի կարողանամ ոչ միայն ցանկալ, այլեւ կատարել, ոչ միայն ձգտել, այլեւ — հասնել...» (ԵԺ, VI, 490): Փաստորեն Չարենցը ձեւակերպում է իր մտքի, խոհի ստեղծագործական ներշնչանքի բովանդակը լիարժեքորեն, զարգացման բոլոր ընդգրկումներով վերարտադրում բարձրագույն գիտակցությունը:

Այդ գիտակցությունն այսօր ավելի խորությամբ պետք է արմատավորվի գրականության մեջ եւ դառնա ներքին կապ գրողի ու ընթերցողի միջեւ, այն ընթերցողի, որի պահանջները եւս հասնում են այդ գիտակցությանը:

Կյանքի ճշմարտացիությունը, իր գլխավոր արտացոլումը գտնելով տվյալ ժամանակին հատկանշական հարցադրումների մեջ, բացահայտելով մարդկային հայտնի եւ օգտագործված նյութի նոր, մինչեւ այդ չգիտակցված նրբերանգներ ու առանձնահատկություններ, իր կարեւորությունը պահպանում է նաեւ նյութի վերարտադրման ձեւի համակարգում: Ինչպիսին տվյալ ժամանակի մարդու մտածողությունն է ու զգացողությունների համակարգը, այդպիսին էլ պետք է լինի նրա գեղարվեստական համարժեքը: Հակառակ դեպքում, այսինքն՝ սոսկ նյութի ու հարցադրման ճիշտ վերարտադրությամբ, առանց այդ ամենի ներկայացման համապատասխան ձեւի՝ երկը չի ունենա արժանի հնչեղություն:

Այսօրվա մարդու գրական մեկնաբանության արտաքին շերտերից, որոշ դեպքերում

նկատվող ճառային, լուգունգային, գովազդային մեկնաբանություններից, ամեն տեսակի բնական հակասությունները համահարթեցնող միտումներից, նրա բնավորության ու նկարագրի բացահայտման միակողմանի, անլիարժեք լուծումներից անհրաժեշտ է թափանցել խորքերը, ընդգրկել մարդու կյանքն ամբողջությամբ եւ ստեղծել մեր օրերի լայնածավալ, ընդգրկուն ու համապարփակ պատկերը:


Կյանքի բնական հարստության ընձեռած հնարավորություններից ելնե-

լով՝ գրականությունը՝ որպես արվեստների մայր, պետք է կարողանա բավարարել բարձր զարգացում ունեցող ժամանակակից անհատի հոգեւոր պահանջները, հակառակ դեպքում ամեն ինչ կդառնա ինքնապատակ մեղ շրջանակների սեփականություն, եւ աստիճանաբար կկորցնի իր հանրային-քաղաքացիական նշանակությունն ու ներգործման ուժը: Այնպես որ, գրական որոնումների մեջ հարկավոր է խուսափել ստեղծագործական փակուղիներից եւ կյանքի «կոշտ ու կոպիտ» իրականությամբ ստուգել գրվածքի պիտանիությունն ու կենսունակությունը: Գրականությունը գործ ունի տարբեր մասնագիտության եւ կարողության տեր մարդկանց հետ, եւ ի վերջո՝ գրականության լավագույն դրսևորումն է, որ խտացնում է ժամանակի մտայնությունը եւ բոլորի համար ստեղծում բոլորին միավորող մի հոգեւոր հայրենիք:

Մեր գրավոր ու բանավոր զրույցների ընթացքում, խոսելով տարբեր հարցերի մասին, շատ քիչ դեպքերում ենք փորձում անդրադառնալ գլխավորին, հիմնականին: Իսկ գլխավորը, առաջին հերթին, գեղարվեստական ավարտուն ու մնայուն արժեքն է: Ժամանակը, առանց հաշվի առնելու մինչեւ գեղարվեստական երկն ընկած դժվարությունները, ստիպում է թվարկել այն գրողների անունները, որոնք բնորոշում են ժամանակի գեղարվեստական զարգացման աստիճանը:

Այս խնդիրներն առաջադրվում են ճշտելու ոչ այնքան ընթացիկ գրականության որոշակի նպատակը, այլ, ինչպես Մերվինտսն է ձեւակերպել «Դոն Կիխոտ»-ում, «նպատակի նպատակը»: ➔ էջ 4

Դրվագներ Վան-Վասպուրականում Արմենական, Հնչակյան եւ Դաշնակցական կուսակցությունների գործունեությունից



➔ էջ 2

Առավել կարճը Դերիկ—Վան ուղեգիծն էր, որը կազմում էր շուրջ 100 կմ: Արմենականներն ու դաշնակցականները, թիկունք ընտրելով Սալմաստն ու Խոյը, որպես կենտրոնավայր ընտրում են Դերիկի հիմնավորը վանքը:

Դերիկ—Վան ճանապարհը կիսով չափ կրճատում էր տարածությունը դեպի Երզնի:

Այդ վանքում տարիներ առաջ պաշտոնավարել էին Հովհաննես Բազումի եւ վանվասպուրականցիների շրջանում մեծ հարգանք վայելող Արսեն Թոխմախյան վարդապետները, որոնք, սակայն, չդիմանալով շրջակա քրդա-

կան ցեղախմբերի ճնշումներին, թողել ու հեռացել էին: Վանքը դարձել էր ապաստարան մաքրիկցի, շամսկցի, ալանցի, ավտոցի քրդական կռվասեր ցեղերի համար: Վանքին անմիջապես կից կար փոքրիկ քրդական գյուղ, իսկ մի պարսիկ «բանջարանոց մը պատրաստած էր... վանքը ամբարի մը վերածած էր եւ տիրացած անոր» (Յուշեր Արմենակ Եկարեանի (այնուհետեւ՝ Եկարեան Ա.), Գահիրե, 1947, էջ 23):

Արմենական կենտրոնական մարմինը Դերիկի վերաբերյալ որոշում կայացնելուց հետո կտրիճների մի խումբ է ուղարկում, որը գրավում է վանքը, ուսումնասիրում շրջակայքը եւ ամուր հիմնավորվում:

Արմենական փորձառու մարտիկներ Արմենակ Եկարյանի, Մովսեսի (Միքայել Իշխանյան), Ֆարիատի (Գրիգոր Արարքյան) հետ այստեղ են գալիս անվախ կտրիճներ Չաթոն ու Շերոն, ինչպես նաեւ մի խումբ դաշնակցական գործիչներ, որոնց թվում՝ Վարդանը, սեւբարեցի Սաթոն, Նիկոլ Դումանը: Շրջակա քրդական ցեղերը մի քանի անգամ փորձում են գրավել ու ավերել Դերիկի վանքը, բայց ապարդյուն:

Այն դառնում է հուսալի ապաստարան, մի մշտական գործող կայան արմենական ու դաշնակցական զինատար խմբերի համար (տե՛ս Գեորգյան Հ., Ազատագրական պայքարի ռազմավարությունը եւ էջեր նրա հերոսապատմից, Ե., 2012 թ., էջ 28—34):

Դաշնակցականներն ամրացնում են վանքի պարիսպները: Արմենականները կարողանում են Թավրիզի թեմի առաջնորդ Ստեփանոս եպս Մխիթարյանի միջոցով պաշտոնապես վավերացնել վանքի համդեպ իրենց ունեցած իրավունքները: Հետգիտել Դերիկ—Վան ուղեգիծը դարձավ «կյանքի ճանապարհ» հայ հեղափոխականների համար: Այդ, դա այդպես է, չչափազանցված, քանզի առանց երկիր զենք ներմուծելու՝ հեղափոխական-ազատագրական խմբերի եւ կուսակցությունների համար անկարելի կլինեին որեւէ լուրջ գործողության ձեռնարկումը եւ հայության անվտանգության ապահովումը: Սակայն շուտով Դերիկի սահմանային հատվածում կատարվող աշխույժ եռուզեռն ու բավական ակտիվ անցուդարձը գրավեցին թուրքական իշխանությունների ուշադրությունը եւ նրանց «...Սալմաստի ու Թավրիզի հիւպատաներուն եռանդուն աշխատակցութեամբ, համիտիէ ալայներու ուշադրութիւնն ալ լարուեցաւ հայերուս եւ մասնատարաբար տերիկցիներու վրայ» (Եկարեան Ա., մշվ. աշխ., էջ 44):

Քրդական ցեղախմբերի շարունակական հարձակումների եւ ճանապարհային կարեւոր ուղիներում հակառակորդի կողմից սարքված դավադրությունների արդյունքում Դերիկը կորցնում է իր ունեցած մարտկառնակությունը եւ նշանակությունը: ➔ էջ 5

ՏԼԹԵՎԻ ՎԱՆԷ

Սկիզբը՝ թիվ 14

XIV դ. Տաթևի վանքը գիտամշակութային վերելք է ապրել: Այստեղ են հավաքվել ժամանակի աչքի ընկնող աստվածաբանները, փիլիսոփաները, աստղագետները, տրամաբանները, երաժիշտները, նկարիչները: Կրոնավորների թիվը գնալով մեծացել է՝ հասնելով մոտ 1000-ի: Վերակառուցվել է վանական դպրոցը, 895 թ. հիմնված վարդապետարանը դարձել է համահայկական մշակութային կենտրոն, դրվել են նոր՝ բարձր տիպի դպրոցի՝ Տաթևի մեծահռչակ համալսարանի հիմքերը:

Միջնադարյան Հայաստանի հռչակավոր ուսումնագիտական կենտրոն Տաթևի համալսարանը մատենագրության մեջ հիշատակվում է 1390 թվականից: Համալսարանը գործել է մինչև 1435 թ.: Տաթևի համալսարանը հովանավորել են Օրբելյան իշխանները եւ Սյունյաց մետրոպոլիտները: Համալսարանը հիմնադրել է Հովհան Ռոտունեցին (1315—1388 թթ.): Գլածորի համալսարանի փակվելուց հետո Ռոտունեցին տեղափոխվել է Ռոտունավանք, հիմնել դպրոց, ապա հաստատվել Տաթևի վանքում եւ, վերակառուցելով Տաթևի կրթարան-վարդապետարանը, հիմք դրել նոր՝ բարձրագույն դպրոցի՝ համալսարանի: Ուսման տեղությունը եղել է 7—8 տարի (չհաշված քահանայական կրթության տարիները): Պատրաստել են վարդապետներ, քարոզիչներ, մանկավարժներ, գրչության արվեստի մասնագետներ, երաժիշտներ: Տաթևի համալսարանն ունեցել է երեք լսարան (ուսումնարան): Համալսարանում սաներն ուսումնասիրել են մայրենի լեզու,



գրականություն, պատմություն, թվաբանություն, երգ եւ երաժշտություն, երաժշտության տեսություն, Ս. Գիրք, աստվածաբանություն, իմաստասիրություն (փիլիսոփայություն), ճարտասանություն, քերականություն, քերթողական արվեստ (պոետիկա), մանկավարժություն, գրչության արվեստ, գեղագրություն, գրքերի գեղարվեստական ձևավորում, մանրանկարչություն եւ այլն: Համալսարանում որպես դասագիրք օգտագործվել են Հին եւ Նոր

Կտակարանները, Եկեղեցու հայերի, ինչպես նաեւ Արիստոտելի, Փլոն Ալեքսանդրացու, Պորփյուրի, Գրիգոր Նյուսացու, Նեմեսիոս Եմեսացու, Եվագր Պոնտացու, Գրիգոր Լուսավորչի, Հովհան Օձնեցու, Հովհան Դամասկացու, Կեղծ Դիոնիսիոս Արեոպագոս եւ այլոց փիլիսոփայական, աստվածաբանական աշխատությունների մեկնությունները, լուծմունքները եւ թարգմանությունները: Լայնորեն օգտագործվել հայերեն եւ հունարեն մասնա-

գիտական գրականությունը՝ մշակել են նոր ծրագրեր եւ դասընթացներ, զարգացրել մի շարք գիտություններ ու արվեստներ: Տաթևի համալսարանն ունեցել է կանոնադրություն, ուսումնագիտական աստիճանավորում: Սովորելու են եկել ոչ միայն Սյունիքից, այլեւ Եկեղյաց գավառից, Այրարատ մահանգից, Կիլիկյան Հայաստանից, Վասպուրականից, Տարոնից, Արցախից, Ուտիքից, Պարսկահայքից, Դրինից եւ այլ վայրերից: Համալսարանը մշտապես ունեցել է մեծ թվով ուսանողներ (150—300 եւ ավելի):

Հովհան Ռոտունեցին մահից առաջ (1386 թ.) իրեն փոխարինող եւ Տաթևի վարդապետարանի ուսուցչապետ (ռաբունապետ) է կարգել իր աշակերտ Գրիգոր Տաթևացուն (1346—1409 թթ.): Գրիգոր Տաթևացին ոչ միայն մշակավոր աստվածաբան, գիտնական-մանկավարժ, փիլիսոփա էր, այլեւ մանրանկարիչ ու երաժիշտ: Պահպանվել է 1297 թ. գրված մի Ավետարան (Մատենադարան, ձեռագիր հ. 7482), որը 1378 թ. նկարագրողել է Գրիգոր Տաթևացին:

Տաթևացու ուսուցչապետության շրջանում Տաթևի համալսարանը ծաղկում է ապրել, դարձել գիտության, մշակույթի, արվեստի, հոգեւոր կյանքի համահայկական կենտրոն, Հայոց Եկեղեցու ուղղափառ դավանության եւ ավանդության պաշտպանության ամրոց: Տաթևի համալսարանի գիտնական վարդապետները, Գրիգոր Տաթևացու գլխավորությամբ, անհաշտ պայքար են մղել Հայաստան ներթափանցած կաթոլիկ քարոզիչների՝ միսիոներների եւ միարարների (ուճիթորների) դեմ: ➤ էջ 7

Վաթսուռնականների արձակագիրներ.

Ժամանակը եւ հերոսը

➤ էջ 3

«Նպատակի նպատակը», ի վերջո, մնայուն ու պիտանի երկն է, ինչի համար եւ պետք է գործադրվի գրողի ամբողջ կարողությունը: Եվ որպեսզի կարողանանք վերջնական, մնայուն արժեքի չափանիշով նայել արած-չարածին, պետք է փորձենք (նաեւ ունակ լինենք) գրականության պատմության փորձից բխող հայացք նետել ընթացիկ գրականությանը եւ ճշտել տեղն ու դերը: Սակայն չպետք է մոռանալ նաեւ, որ այդ չափանիշն այլ առանձնահատկություններ է դրսևորում ընթացիկ գրական շարժումն ուսումնասիրելիս:

Ժամանակակից կյանքն իրենց մեջ կրող հերոսների նկարագրի բացահայտման առումով այսօրվա հայ արձակը քննության բազմաշերտ ու տարարժեք նյութ է տալիս:

Գ.

Չմոռանանք՝ վաթսուռնականների հայ արձակն առաջնորդվում էր խորհրդային գրականության զարգացման ընդհանուր միտումներով: Իսկ ժամանակի արձակն իրենից ներկայացնում է վերին աստիճանի բարդ ու հետաքրքրական մի պատկեր: Միութենական ընդգրկումով լայն խոսակցություն էր ընթանում թե՛ ռուսական ժամանակակից արձակի՝ հատկապես 60-ականների սերնդի եւ թե՛ միութենական այլ համրապետություններում ստեղծագործող առանձին արձակագիրների շուրջ: Այս առումով հատկապես հիշվում են Վասիլի Շուկշինի, Ֆյոդոր Աբրամովի, Վիկտոր Աստաֆեւի, Վասիլի Բելովի, Անդրեյ Բիտովի, Յուրի Տրիֆոնովի, Գրիգորի Բակլանովի, Վալենտին Ռասպուտինի, Յուրի Բոնդարեւի, Վլադիմիր Բոգոմոլովի, Վլադիմիր Լիչուտինի, Ալեսյա Ադամովիչի, Չինգիզ Այծատովի, Վասիլ Բիկովի, Նոդար Դումբաձեի, Վիլ Լիպատովի, Միկոլաս Սլուցկիսի եւ այլ գրողների անուններ:

Իճ էր իրենից ներկայացնում ժամանակի համամիութենական արձակը. իճ ստեղծագործական առնչություններ կարելի է տեսնել միութենական եւ հայ արձակի միջեւ: Հարցադրումն ու ընդգրկման բավականին բարդ ու դժվարին, բայց նաեւ խիստ հետաքրքրական անակնկալներ հարուցող մի խնդիր, որ չպետք է շրջանցել: Կենսական իճ նյութ եւ իճ հիմնախնդիրներ են շրջանառում մշակած գրողները:

Վասիլի Շուկշինը պատմվածքներից շատե-

րում («Քեռի Երմոլայը», «Խոհեր», «Երկրացիներ», «Գերեզմանոցում», «Վարպետներ» եւ այլն) եւ կինովիակներում («Կարմիր բռնիչ», «Դրկից-դրացիներ») ստեղծում է խիստ կենսական վիճակներում ապրող ու գործող հերոսներ, որոնք պատկանում են, այսպես կոչված, «մանր», «փոքր» մարդկանց շարքին: Սակայն Շուկշինն իր կերպարների հոգեբանությունը բացահայտում է այնպիսի կենսահայեցողությամբ, որ նրա փոքր, երբեմն անմշակ հերոսները կարծես մեծանում, աճում, բարձրանում են իրենք իրենցից, հաղթահարում այն վիճակները, որոնք ստորացրել ու խեղճացրել են նրանց եւ, ի վերջո, դուրս գալիս ոգու վե՛ն ու բարձր մի ոլորտ, ուր նրանք դժվարությամբ ապրած կյանքը դարձնում են տոնական հանդիսություն: Ճիշտ է նկատում Իգոր Չոլտոսկի՝ Շուկշինը ռուսական արվեստի մեջ վերակոչում է ողբերգավե՛շտը (տրագիկոմեդիան): Շուկշինը գրական իրողություն է դարձնում ժողովրդական կյանքի անսպառ հարստությունը եւ նույն քննադատի դիտողությամբ ստեղծում մեր ժամանակի «փոքր էպոսը»՝ կարեւորելով «հոգեւոր տարածության» անհրաժեշտությունը («Վարդիսի լիտերատուրի», 1975, թիվ 10, էջ 6—9):

Լայն հետաքրքրություն են ներկայացնում Անդրեյ Բիտովի ստեղծագործությունները: Նրա «Անիվ», «Չինվոր», «Իճ է եղել, իճ կա, իճ է լինելու...», «Հայաստանի դասերը» ստեղծագործություններում խորությամբ արձարծում են արդիական մշակութային էական հարցեր: «Հայաստանի դասերը» գործը Բիտովի ինքնաճանաչողության ընթացքն է: Ժամանակի, նյութի եւ հեղինակի հանդիպողումը բացահայտում են մի նոր ու ինքնատիպ աշխարհ: «Իճ է եղել...» վիպակում բոլոր հերոսներն ակնդետ զննում են իրար եւ այդ զննումներով հայտնաբերում իրենք իրենց: Անդրեյ Բիտովը ժամանակակից ռուսական արձակում ուժեղացնում է գեղարվեստական ինքնաճանաչման փիլիսոփայական կողմը:


Ռուսական արձակի վերջին տարիների մվաճումներից է Վալենտին Ռասպուտինի «Վարդի եւ հիշիր» վիպակը: Պատերազմական նյութի բացահայտումն ունի հոգեբանական ընթացք, ի հայտ է բերում դրամատիկ ու ողբերգական մի վիճակ եւ այդ վիճակի մեջ գործող հերոսների: Նկարագրվում են պատերազմի ու հետպատերազմյան կյանքի առաջին ամիսները: Վիպակի հերոսուհին

Նաստյոնան, թաքցնելով դասալիք ամուսնուն, ապրում է հոգեբանական ծանր դրամա եւ, ի վերջո, ամուսնու մեղքը քափում իր կյանքի գնով՝ իրեն մետելով Անգարայի վարար ջրերի մեջ: Բարձրացող հոգեբանության տեր մարդու հերոսական ու ողբերգական կերպար է ստեղծում հեղինակը:

Ժամանակակից ռուսական արձակի վիճահարույց գործերից մեկը Յուրի Բոնդարեւի «Եգերը» վեպն է. արտասահմանյան կյանքի նկարագրությամբ՝ համբուրգյան թաղամասեր, գիշերային կաբարներ, ուրվագծվում են մտավորականության՝ բանավեճերով հարուստ կյանքի որոշակի դրվագներ, եւ դրանով իսկ՝ արծարծվում ժամանակի համար կարեւորություն ունեցող բարոյագաղափարական բնույթի հարցեր: Կյանքի տարբեր շերտերի՝ պատերազմ, ժամանակակից կյանք, սիրային հարաբերություններ, հաջող միաձուլմամբ հեղինակն ստեղծում է մեր օրերի հոգսերով ապրող մարդկանց կերպարներ: Վեպը հարուստ է գաղափարական հագեցվածությամբ եւ ռուս քննադատներից Վ. Սոկոլովի բնորոշմամբ՝ «փիլիսոփայական-քաղաքական» երկ է:

Ժամանակակից ռուսական արձակում զգալի տեղ ունի նաեւ քնարական շունչը: Դրա լավագույն արտահայտությունը Վասիլի Բելովի ստեղծագործությունն է եւ հատկապես «Սովորական գործ» ու «Գայլերի ոհմակ» վիպակները, որոնցում պատերազմական տեսադաշտում ներկայացվում են վե՛ն ու հերոսական պահվածքի տեր մի քանի հաջող կերպարներ:

Շատ են ռուսական արձակի հետաքրքրություն ներկայացնող գործերը: Սպառնալի անհմար է: Այսօր միութենական մշակութային շարունակում են խոսել Չինգիզ Այծատովի եւ Նոդար Դումբաձեի մասին: Չինգիզ Այծատովն իրեն ծանոթ եւ խիստ հարագատ նյութի պատկերումով բացահայտում է ժամանակի շատ կարեւոր հիմնախնդիրներ: Ըստ էության՝ դրանով էլ պայմանավորված են նրա ստեղ-



ծագործության համատարած ճանաչումն ու ընդունումը: Իր արդեն հայտնի գործերին նա վերջին շրջանում ավելացրեց «Սպիտակ շոգենավը» վիպակը, որի մեջ նրբորեն միահյուսված են մանկան երազներն ու ձգտումները, եւ պատկերված է դժվարին կյանքի ցավը: Ողբերգական մի կերպար է ճապուկ Մոմունը, երազներից ու պատրանքներից ստեղծված մի կերպար՝ Տղան: Տղայի ժողովրդիկ պատկերացումները բախվում են իրականությանը եւ աղավաղվում: Չինգիզ Այծատովը վերին աստիճանի նյութ ու ներգործող ազդակներով է ներկայացնում իրականության դաժան դեմքը:

Հաջողություններ կան վրացական արձակում, որի ներկայացուցիչներից Նոդար Դումբաձեն արժանացել է համամիութենական ճանաչման: «Սպիտակ դրոշակներ» վեպում թիֆլիսյան բանտի կյանքի պատկերումով նա արծարծում է իրականությանը բնորոշ հուզիչ հարցեր: Պատահաբար բանտարկվում է մի ազնիվ երիտասարդ՝ Չազա Նակաշիձեն, որ բանտում շփվում է տարբեր հանցագործների հետ: Բախումը հերոսների միջեւ առաջանում է այն ժամանակ, երբ նրանք խորհում են մարդու գոյության մասին, չարի ու բարու, լավի ու վատի մասին: Ինչպես Այծատովի սպիտակ դրոշակներն ունեն գրեթե նույն պայմանական խորհուրդը՝ դրանք դիտվում են որպես բարության, սիրո խորհրդանիշներ:

Շարունակելի

Դավիթ ԳԱՍՊԱՐՅԱՆ
Բանասիրական գիտ. դոկտոր, պրոֆեսոր

Զարեհ Որբունու պապովածքները



Սկիզբը՝ թիվ 8—10, 12—14

Վայրենիքից հեռու, օտար ավերում դե-
զերող երիտասարդը հայտնվել է տա-
ռապանքների մեջ: Կյանքն անցկացնելով
տարբեր կանանց գրկում, ոգելից խմիչքների

մեջ վիշտը խեղդելով՝ քարշ է տալիս իր մի-
ոհակ առօրյան: Սակայն օրերից մի օր համ-
կարծ սթափվում է՝ հասկանալով, որ եթե այդ-
պես շարունակի, մարդկային արժանիքները
կկորցնի՝ չտարբերվելով անասունից:

Զ. Որբունու պատմվածքների հերոսներ-
ըր տառապում են առաջին հերթին օտա-
րության մթնոլորտում՝ հայրենիքից հեռու:
Տարագրությունը նրանց կյանքը դարձնում
է հալածանքների շղթա՝ կտրելով կենսական
արմատներից: Կյանքի իրողություններն ու
հանգամանքները նրանց առօրյան լցնում
են վշտով ու կեղեքման զգացումներով: Անձ-
նական վիշտը միահյուսվում է անօթեան ու
անհայրենիք կարգավիճակին: Հայրենիքից
հեռու, հալածված տերեւի մման, հերոսները
քարշ են տալիս իրենց տառապալից առօրյան՝
գիտակցելով ու խրապես ապրելով վիշտը,
որը գրողի պատմվածքներում հաճախ նաեւ
անանձնական դրսեւորումներ ունի:

Գուրգեն Մահարուն հասցեագրված մա-
մակներից մեկում Զ. Որբունին, անդրադառ-
նալով իր հոգեվիճակին, ապրումներին, գրում
է. «Պէտք է մշտն, մանաւանդ, երրորդը, որ
մնացած է Օրտուկէ՝ Գոհարիկը: Օ՛, այդ իմ
առաջին տառապանքս, այդ աստուածանուէր
տառապանքս, որ Գոհարիկին սիրահարու-
թիւնս եղաւ: Գոհարիկ Վարդերեսեան: Չեմ
գիտեր՝ տամը, թէ տասնմէկ տարեկան էր,
այդ սէրը դժոխքի կրակներուն մէջ մետած էր
իմծի: Այնքան կը պաշտէի կրակներուն այդ
մրրկող առաքինութիւնը: Այսօր, երբ դեռ կը

մտածեմ կեանքիս վրայ, կը տեսնեմ, որ բոլոր
սէրերս եղած են Գոհարիկին կրկնութիւնները:
Սեպասթաբլը, այն հրաշալի ռուս աղջիկը,
որուն անունը մոռցած եմ, Մելինէն, Սիւզանը,
Արշալոյսը, Օտեթը եւ Էլիզապետը, որ եղաւ
մնայուն կողակիցս, ինծի հասկցնել կու տամ,
թէ ինչ կրցած եմ ըլլալ Թեքեանի հոգեկան
ապրումները, երբ կը գրէր՝

«Ես սիրեցի, բայց ոչ ոք սիրածներէս գիտ-
ցաւ, թէ զինքը որքան սիրեցի»:

Այդ լուռ սէրերը, լուսեան մէջ թաւալող
տառապանքը մարդուս ամենամեծ հարստու-
թիւնն է: Ինքնաճանաչման, մարդաճանաչ-
ման եւ ազնուացման միակ գործողութիւնը:
Մի՛ կարծեր, որ այս սէրերու միամտութիւնս
մագոշիստական հակում մըն են եւ միակ
դրութիւնը: Եղած են սինիք տոնժուան, այդ
սիրոյ վայելքը մարդս կ'անասնացնէ, անոր
տուած դողը կը թաղուի նոյն վայրկեանին
մէջ՝ Վեգովին վրա ձգելով դառնութիւն: Ողոր-
մած հոգի Արշամ Տատրեանը կը գրէր ինծի,
որ միտք ունէր գրելու ուսումնասիրութիւն մը
գրականութեան մէջ իմ սիրոյ ըմբռնումիս
մասին: Եւ դեռ անոր մահուանը շատ բան չէի
գրած, բայց Արշամը սուր միտք ու աչք ունէր:
Մտադրած էր նաեւ գրել միմակութեան ըմբռ-
նումիս վրա, կ'ըսէր «միմակութիւն» եւ ոչ թէ
«առանձնութիւն» (<http://linknagir.org/?p=6644>,
Կենսագրական շաղակարատութիւն Գ. Մահա-
րիի հետ):

Ուշագրավ է գրողի բացատրությունը. սի-
րո վայելքն անասնացնում է մարդուն, բայց

միեւնոյն ժամանակ մաքրագործում է նրան,
ազնվացնում, ինքնաճանաչման մղում: Տա-
ռապանքի այդ նկարագրությունը, ինքնա-
դատությունը տեսնում ենք նաեւ «Գոհարիկ»
պատմվածքի հերոսի դէպքում: Չմայած հերո-
սը զգում է, որ սխալ կյանք է վարում՝ սրճա-
րաններում, բարերում բազմաթիվ կանանց
հետ իր գոյությունը քարշ տալով, բայց չի
կորցնում այդ ինքնաճանաչման, ազնվացման
հատկանիշը:

«Անունը» պատմվածքն էլ ինքնակենսագ-
րական ակունքներ ունի: Տառապող հերոսը
Որբունին է: Նրա համար կյանքի խռովահույզ
փոթորկում Գոհարիկի անունն անգամ ար-
տասանելը դառնում էր փրկություն: Գոհա-
րիկի հետ էին կապված գրողի ազնիվ ու վեհ
զգացմունքները, երազանքներն ու մտորում-
ները: «Կյանքի այս խռովայոյզ կտորիկը իրա-
կանաբար համար գլխավոր մղիչը հանդի-
սացաւ Գոհարիկին անունս արտասանելը:
Անոր շրթունքները բացուեցան վարդի մը պէս
ու նուազային առոգանութեամբ մը հնչեցու-
ցին անունս իր բերնին մէջ: Անհանգստութիւն
մը եկաւ, նստաւ սրտիս մէջ ու սկսաւ անընդ-
հատ կրծել զայն: Ինքնակոյտիս՝ պահ մը, որ
բովանդակ էութիւնս տարրալուծուեցաւ...»
(Զ. Որբունի, Պատմութիւններ, էջ 16):

Ինչպէս երեկոյն է դանդաղորեն, վայրկյան
առ վայրկյան ստվէրում ցերեկվա լույսը, այն-
պես էլ Գոհարիկի անունն արտաբերելն է բա-
ցում գրողի հոգու դմբերը: Նրա հետ է կապ-
ված ամեն լավ բան: ➔ էջ 6

Դրվագներ Վան-Վասպուրականում Արմենական, Հնչակյան եւ Դաշնակցական կուսակցությունների գործունեությունից

← էջ 2, 3

Քողական խաժամուժի հետ զինատար
խմբերի ունեցած ընդհարումների ժամա-
նակ արմենականներից եւ դաշնակցական-
ներից զոհվում են լավ պատրաստված, ըն-
տիր ռազմակներ, որոնց վերաբերյալ այնքան
առասպելական պատմություններ էին պատ-
մում քրդերն իրենց առօրյա զրույցներում:

Անհրաժեշտ է մշել, որ զինատար խմբերի
կազմակերպման եւ զենքի փոխադրության
գործին լուրջ ուշադրություն էին դարձնում
թե՛ արմենականների, թե՛ հնչակների ու դաշ-
նակցականների վարիչ մարմինները: Վեր-
ջիններս նախապես աշխատանքներ էին տա-
րել եւ իրենց տրամադրության ներքո ունեին
ճանապարհների յուրաքանչյուր ծակունդներ
լավ սերտած եւ բոլոր նրբություններին մա-
րագին տիրապետող ուղեցույցներ (վախտ-
ներ), եւ բազմաթիվ զինատար խմբեր «անոնց
կը պարտին իրենց կյանքը» (*Նաթանեան Մ., Արմենական կուսակցությունը, Գահիրե, 1990 թ., էջ 28*):

Զենքի փոխադրության գործի անխափան
կազմակերպման համար գրեթե օգտագործ-
վում էր ամեն ինչ: Ճանապարհների հարմար
կետերում ստեղծվում են փոքրիկ կայաններ՝
մանրաձախ խանութների քողի ներքո:

Արմենական, հնչակյան եւ դաշնակցական
կուսակցությունների միջեւ սերտ փոխհա-
մագործակցություն ձեւավորվեց հատկապես
1895—1896 թվականներին:

1895 թվականի աշնանը տագնապալից
վիճակ ստեղծվեց Վանում: Բոլորն էլ զգում
էին, որ թուրքական իշխանությունները պատ-
րաստվում են հայ բնակչության հետ հաշվե-
հարդար տեսնելու: Ինքնապաշտպանության
գործի պատասխանատուները եւս տենդագին
ջանքեր էին թափում՝ դիմակայելու վերահաս
աղետին: Վանի հայության տարբեր խավերի
շրջանում հանգանակություն է կատարվում,
որպեսզի զենքի ու զինամթերքի մոր պաշար-
ներ հասցվեն Վան:

1895 թ. ուշ աշնանը Լեւոն Զրվանդյանի եւ
Տիգրան Տերոյանի (Վազգեն) երկու խմբերը
ուղեւորվում են Պարսկաստան՝ զենք գնելու եւ
փոխադրելու «...իրենց խումբերէն գոյացած
դրամովը»: Զինատար խմբերը հաջողությամբ
տեղ են հասնում, իսկ վերադարձին նրանց
միանում են տեղի ընկերներից շատերը,
որոնք չէին ցանկանում «...հեռունէ հանդիսա-
տես ըլլալ իրենց հայրենիքի փչացման (*Եկա-
րեան Ա., մշվ. աշխ., էջ 69*):

Արմենականներին դեպի Վան առաջնոր-
դում են Գր. Պետրոսյանը եւ Ուսթա Փանոսը:
Այս խմբի կազմում էին «...մեր լաւ կռուող
ընկերներէն Քանքանեան Օհաննեսը, Ուզուն

Օհաննեսը, Սէր եւ հաւթանցի Աւետիսը եւ
Արմենական կամաւորներ՝ Աւետիքը, Զաքա-
րը եւ Մարտիրոսը: Այս խումբին կը միանան
դաշնակցական Նիկոլը եւ Յարութիւնը եւ Պո-
ղազ Քեսէն գիւղի մեր տղաներէն Թովմասը,
Մարտիրոսը, Վարդանը եւ Սարգիսը՝ իբրեւ
առաջնորդ» (*Մույն տեղում*): Խումբը, որը, ըստ
Ա. Եկարյանի, բաղկացած էր 35 մարտիկ-
ներից, 1895 թ. նոյեմբերի 25-ին անցնում է
պարսկա-թուրքական սահմանը:

Ըստ Դ. Դ. Գործիչ Սարգիս Մեհրապյա-
նի (համաստրա Վարդան)՝ «խումբը բաղկա-
ցած էր 60 հոգուց, բոլորսն էլ զինված մոսին
հրացաններով՝ դիմում են Վան» (*Խամաստրա
Վարդանի հիշատակարանը, Երեւան, 1992 թ.,
էջ 93*):

Ի դեպ, այս նույն իրադարձության, ինչպէս
նաեւ այլ դեպքերի վերաբերյալ արմենական
ու դաշնակցական գործիչների երկերում բազ-
մաթիվ փաստեր որոշակիորեն հակասական
են, նաեւ իրարամերժ:

Սահմանն անցնելուց հետո Սարայի մոտ,
բնության քմահաճոյքով, սկսվում է ձյունա-
խառն ուժգին մրրիկ, որից զինատար խմբի
անդամներից ոմանք կորցնում են ճամփան:
Սաստիկ ցրտից որոշ հայդուկների ձեռքերն
ու ոտքերը սառչում են: Վազգենը, կորցնե-
լով հետնապահ մասին եւ շարժվելով առաջ,
մտնում է մի գոմ: Քրդերը նկատում են
խմբին եւ աղմուկ-աղաղակով շրջապատում:
Սկսվում է անհավատար, հերոսական կռիվ:
Հայ մարտիկները տալիս են մի քանի զոհ:
Գիշերվա մթությունից օգտվելով՝ խմբի ան-
դամները շարժվում են առաջ եւ հասնում Բո-
ղազ-Քեսեան, որտեղ մորից շրջապատվում են
քրդական հրոսակների կողմից: Վերջիններս
չոր խոտի խրճեր են վառում այն գոմի դռան
առջեւ, ուր պաշարված էին հայորդի քաջե-
րը: Չկամենալով ողջ-ողջ խեղդվել՝ հայ մար-
տիկները դիմում են հանդուգն քայլի. «Փամ-
փուշտները դնում են հրացանների մէջ եւ
հանկարծ, իրար հետեւից դուրս են թռչում գո-
մից՝ անընդհատ կրակ թափելով աջ ու ձախ»
(*Մույն տեղում, էջ 95*): Քրդերը շփոթության են
մատնվում եւ սկսում դեսուդեն փախչել՝ տա-
լով տասնյակ զոհեր: Հայ մարտիկներին հա-
ջողվում է այդ կռիվում գրավել վեց հրացան եւ
ութ ձի: Բողազ-Քեսենի կռիվն մասնակցած եւ
մասօրինակ խիզախությունը դրսեւորած դաշ-
նակցական գործիչ Նիկոլ Տեր-Յովհաննի-
սյանն ստացավ Դուման մականունը:

Վան վերադարձին վեճ է ծագում բեր-
ված զենքերի պատկանելության շուրջ:
Դ. Դ. Գ. ակնմատես գործիչը ըշում է, որ Սա-
րայի կռիվ ժամանակ արմենականների հրա-
ցանների զգալի մասը խափանվել էր: Նրանք



«առել էին մեր տղաների զենքերը եւ կռվել
թշմանու դէմ: Եվ այդ զենքերով էլ հասան
Վան» (*Մույն տեղում, էջ 96*):

Զինատար խմբերի գործունեության ըն-
թացքում ամրապնդվում են հայ քաղաքական
ուժերի միջեւ եղած համագործակցությունն
առհասարակ եւ ռազմական զինակցությունը
մասնավորապես: Զինատար աշխատանքնե-
րում ապահովելով մեկը մյուսի անվտանգու-
թյունը՝ տարբեր քաղաքական ուժերի հովա-
նու ներքո գտնվող հայդուկները ձեւավորում
էին մեկ-միասնական բռնակցի փոխակերպ-
վելու հոգեբանությունը: Շուտով՝ 1896 թ., հու-
նիսյան ինքնապաշտպանական մարտերում
վերոհիշյալ համագործակցությունը տվեց
իր արդյունքները:

1896 թ. գարնան ընթացքում իրավիճակի
լարվածությունը հետզհետե սրվում էր Վան-
Վասպուրականում: Թուրքական իշխանու-
թյուններն անում էին ամեն ինչ, որ Վանի հայ
ազգաբնակչությունը եւս ենթարկվեր ջարդ
ու կոտորածի:

Այդ ծանր, տագնապալից պահին Վանում
գործող հայկական երեք քաղաքական ուժե-
ր՝ արմենականների, հնչակյանների եւ դաշ-
նակցականների պատասխանատուները ցու-
ցաբերում են վերին աստիճանի գիտակցված
համերաշխություն ու բարոյական բարձր
որակներ՝ ապահովելու տեղի հայության անվ-
տանգությունը:

Սկսանալուսների վկայությամբ՝ արմենա-
կանների առաջնորդ Մկրտիչ Ավետիսյա-
նը, հնչակյան պատասխանատու Մարտիկը
(Մարտիրոս Սարուխանյան) եւ դաշնակցա-
կանների պարագլուխ Պետոն (Ալեքսանդր
Պետրոսյան) «գերագոյն ճիգերու կը դիմեն
ժողովրդին ինքնապաշտպանութեան հա-

մար» (*Դարբինեան Ա., Հայ ազատագրական
շարժման օրերէն, Ե., 2003 թ., էջ 51*):

Նույն հեղինակի վկայությամբ՝ դաշնակ-
ցականներն ու հնչակյանները «Կովկասի մէջ
կրնային դրան եւ զենք ձեռք բերել, բայց կա-
րելին ըրած էին արդէն: Իսկ արմենականնե-
րու յոյսը դուրսէն աւելի երկրին մէջ ապրող
ժողովրդին ինքնօգնութեան վրայ էր» (*Մույն
տեղում*): Զենքի փոխադրության եւ դրանց
պատկանելության շուրջ հետաքրքիր է սույն
դիտարկումը. «Արմենականներու զենքերը
մեծամասնութեամբ անհատական սեփակա-
նութիւն էին, մնացածները՝ խմբական: Դաշ-
նակցականներու զենքերն ընդհանրապէս
կուսակցական սեփականութիւն էին: Թէ՛ այդ
զենքերը եւ թէ՛ անոնց տրամադրուած զուճա-
րը հայթայթուած էր ընդհանրապէս Կովկասէն,
նոյնը պէտք է ըսել նաեւ հնչակեաններու ունե-
ցածի մասին: Իսկ Արմենականներու զենքերու
մէկ մասը հայթայթուած էր Վաէն» (*Մույն տե-
ղում, էջ 57*):

1896 թ. հունիսի հենց սկզբին սկսվեց Վա-
նի հերոսական ինքնապաշտպանությունը:
Այդ ժամանակ արդեն Վանում էր գտնվում
սուլթանական բարձրաստիճան պաշտոնյա՝
Սաաեդդին փաշան, որն ուղարկվել էր «Բա-
րեկարգիչ Յանձնաժողովի Բարձր Քումիսե-
րութեան» կողմէ՝ իբր «քննիչ» (*Մույն տեղում,
էջ 51*): Իրականում վերջինիս Բ. Դռան կողմից
հանձնարարվել էր կազմակերպել Վանի հայու-
թյան ջարդը: Հունիսի 3-ից Սաաեդդին փաշան
գործի դրեց ջարդի պլանավորված սցենարը:

Շարունակելի

Արմեն ԿԱՐԱՊԵՏՅԱՆ
Պատմական գիտ. թեկնածու

ՀԱՅ ԻՄԿԱՆՈՒԹՅԱՆ ՈՒ ԱՐՎԵՍԻ ՀԱՅՈՒՐԱՄՅԱՆ ԻՄԱՈՒՆԷՐԱՆԸ



Սկիզբը՝ թիվ 11—14

Ունեցողի թատերական ցուցասրահում ներկայացված են առաջին հայ դերասաններն ու դերասանախմբերը: Սիրանուշիկ ցուցադրված են անձնական լուսանկարներ, բեմական զարդեր, սուրճի բաժակը: Պ. Ադամյանից ներկայացված են անձնական լուսանկարներ՝ տարբեր դերերում լուսանկարված, անձնական իրեր, ներկայացուցչության ազդագրեր, Շեքսպիրի «Համլետ» ողբերգության վերլուծությունը՝ գրքի տեսքով, իր ձեռքով պատրաստված ափսեանկար՝ երեսակայական էիր արքայի դիմանկարը՝ արված մոմով, մրով են ասեղով: Այցելուները կարող են տեսնել նաև Ադամյանի կտավները՝ հինգականում ինքնանկարներ են շեքսպիրյան բեմաներով աշխատանքներ: Թատերական ցուցադրությունը ներառում է նաև 20-րդ դարի հայ դերասան-դերասանուհիների բեմական զգեստները, 20-րդ դարի՝ 1900-ական թթ. հայկական թատրոնների ներկայացումների բեմադրությունների մակետները: Թիֆլիսի հայ դրամատիկական թատրոնի ֆոնդից ցուցասրահում

դրամատիկական են Հակոբ Պարոնյանի անվան երաժշտական կոմեդիայի թատրոնները: Սուրեն Քոչարյանը ներկայացված է լուսանկարների շարքի միջոցով, իսկ գրականության սրահում հեռախոսի միջոցով կարելի է լսել նրա կատարմամբ Թումանյանի «Մարոն» ստեղծագործությունը: Լենինականի պետական թատրոնի արխիվից ցուցադրված են լուսանկարներ՝ դրվագներ ներկայացուցչության, դերասանների բեմական են անձնական իրերից, ներկայացումների ազդագրեր: Սունդուկյանի անվան ազգային ակադեմիական թատրոնին նվիրված ցուցափեղկում զետեղված են թատրոնի մեծ դերասաններից երեքի՝ Վահրամ Փափազյանի, Արուս Ոսկանյանի, Մետաքսյա Սիմոնյանի անձնական արխիվներից իրեր, ներկայացված են լուսանկարներ, ներկայացումներից դրվագներ՝ լուսանկարներ իր տեսքով, ցուցադրված են համաճարեղ Փափազյան-Օթելլոյի կրած զգեստը, համաճարեղ Փափազյան-Համլետի գործածած դաշույնը, Ա. Ոսկանյանի արխիվից՝ դերասանուհու նկարակալով լուսանկարը, Չարենցի՝ Ա. Ոսկանյանի

նյամին նվիրված «Գովք Արուսին» ստեղծագործության ինքնագիրը, բեմական զարդեր, Մ. Սիմոնյանի արխիվից՝ հովհար, գրիմատուփ՝ գրիմի պարագաներով: Գ. Սունդուկյանին նվիրված ցուցափեղկի հարեանությամբ կարելի է լսել Համլետի մենախոսությունը՝ Վ. Փափազյանի կատարմամբ:

Կինոյի ցուցասրահում ներկայացված է հայ կինոյի պատմության սկիզբը: Ցուցադրված են Հ. Բեկնազարյանի անձնական իրերը, իր ձեռքով պատրաստված գրեմական պիտույքներ, նաև՝ հայ կինոյի առաջին տնօրեն Դ. Դզնունու ժամացույցը, Հայաստանում առաջին կինոխցիկը: Ա. Փարաջանովից ցուցադրության մեջ ներառված են անձնական փաստաթղթերից են «Նռան զույնը» ֆիլմի էքզիզը: Այցելուները կարող են տեսնել նաև Ա. Փելեշյանի հեղինակած «Իմ կինոն» գիրքը, Լ. Եմ-գիբարյանի զգեստը, որ կրել է «Ճանապարհ դեպի կրկես» ֆիլմում են այլ ցուցանմուշներ: Ցուցադրության մաս է կազմում «Նամուս» անունով ծխախոտատուփը, որն արտադրել է Մոսկվայի «Դուկատ» ծխախոտի ֆաբրիկան՝ «Նամուս» ֆիլմի պատվին:

Թանգարանի երաժշտության ցուցասրահում ներկայացված են 8-րդ դարասկզբին ստեղծված հայկական նոտագրության խազային համակարգով խազագրված հոգեւոր երաժշտության նմուշներ, հայ առաջին պրոֆեսիոնալ կոմպոզիտոր Տ. Չուխանյանի, Մ. Եկմալյանի, Զ. Կարա-Մուրզայի, Ա. Տիգրանյանի, Ա. Սպենդիարյանի, Ռ. Մելիքյանի, Ա. Խաչատրյանի, Ա. Բաբաջանյանի անձնական իրերից: Անկյուն է հատկացված նաև 20-րդ դարի մեր երաժշտագետներին, նույն ցուցափեղկում ցուցադրված է ֆոնոգրաֆ: Կոմիտասին նվիրված հատվածում տեղ են գտել նրա անձնական ֆիսիարմոնը, Կոմիտասի՝ եղիշե Թադեոսյանի հեղինակած դիմանկարը՝ նվիրված Ռոմանոս Մելիքյանին: Ցուցափեղկում ներկայացված են Կոմիտասի անձնական իրերից, լուսանկարներից, Կոմիտասի 3 գրակնիքները՝ իր անվանատառերով, Կոմիտասին

նվիրված հուշանվերը՝ փոքրիկ ոտնամաններ, Կոմիտասի նոտաների ինքնագիր տետրը: Ցուցադրված է նաև Կոմիտասի շուրջառը, որով նա մասնակցել է պատարագներին, ինչպես նաև նրա անձնական սրինգները, բլուրը են ռուսի ծանկոցը: Կարելի է ունենալ նաև Կոմիտասի կատարումը՝ «Մուկա Սիրգա» երգը: Ցուցասրահում փակցված են օպերային ոճի երգիչ-երգչուհիների համերգների լուսանկարներ, ազդագրեր: Ներկայացված են նաև սփյուռքահայ երաժիշտները: Երաժշտական ցուցադրության մեջ են մտնում նաև հայկական ժողովրդական երգչախմբերի, նվագախմբերի, երգի, պարի անսամբլների լուսանկարները: Ցուցադրված է կոմերսիալ-թիայի առաջին շենքի լուսանկարը: Ցուցանմուշների շարքում է Ազնավորի առաջին բեմական շապիկը, որով նա 8—11 տարեկանում ելույթ է ունեցել հոր սրճարանում: Առանձին ցուցադրված է երաժշտական գործիքների՝ ազգային նվագարանների հավաքածուն՝ Սաշա Օզանեզաշվիլու անձնական հավաքածուն, որի մեջ մտնում են Ֆիլանու ջութակը են Շերամի թառը: Երաժշտության ցուցասրահում Վասիլի Կորգանովի հավաքածուից առկա են Նապոլեոն Բոնապարտի հրաժարականը, Մոցարտի մամակը, Լյուդովիկոս 14-րդ թագավորի մամակը՝ ուղղված Պետրոս Մեծին: Երաժշտության ցուցասրահի մասն է կազմում տեսադարանը՝ երաժշտական կրպակ, որի միջոցով այցելուները կարող են ծանոթանալ գործիքների պատմությանը, նաև կարճ հոլովակների միջոցով լսել կատարումներ:

Այս ամենից զատ՝ բոլոր 5 ցուցասրահները հագեցված են ներկայացված գործիչներին պատկերող կամ նրանց ստեղծագործությունը համոզիչացող կերպարվեստի արժեքավոր գործերով՝ կտավներով, մատիտանկարներով, ծաղրանկարներով, քանդակներով, թվեմք մի քանիսը՝ Ֆոն Մայրելի հեղինակած Աբովյանի միակ դիմանկարը, Բաշինջադյանի «Խաչատուր Աբովյանի տունը Քանաքեռում» բնանկարը, Սարյանի «Եղիշե Չարենցի դիմանկարը»:

Զարեհ Որբունու պատմվածքները

← էջ 5

Պարասրահում հայտնված գրողն այլևհույի ազդեցության տակ իր մտորումներն է անում կյանքի մասին, բայց հանկարծ հայտնվում է Գոհարիկը եւ արտաբերում գրողի անունը: Նա ամեն ինչ մոռանում է՝ մնանվելով հողի տակ հայտնված որդին, որը ծառի ու ծաղկի արմատներ է փնտրում: «Գո-հա-րիկ»։ Ընդամենը երեք վանկ էր, բայց բավական էր կյանքի այդ տաղտուկից դուրս գալու, կյանքը հեղաշրջելու համար: Կարճ գրույցից հետո հերոսուհին անհետանում է, իսկ Որբունին փնտրում է նրան եւ չգտնելով՝ հուսալքվում:

Կյանքի իրողությունները, համագամքները մարդկանց տառապանքների աղբյուր են դառնում, փոխում են նրանց կենսակերպը: Որոշ մարդիկ իջնում են կյանքի հատակը՝ մնանվելով, ինչպես Որբունին է բնորոշում, որդերին, բայց նրանց կյանքում հայտնվում են գոհարիկներ, որոնց շնորհիվ առաջանում են ազնիվ զգացումներ: Հաճախ այդ մաքրամաքուր զգացումներն էլ օգնում են մարդկանց վեր խոյանալ կյանքի հատակից, փոխել իրենց առօրյան եւ ապրել կյանքի բնականոն ընթացքով:

«Նամակը» պատմվածքում հերոսին տառապագին ապրումների մեջ է զգում սիրելիի ուղարկած նամակը: Գոհարիկն ամուսնացել էր տարեց մարդու հետ: Ամեն անգամ նրան տեսնելիս տառապում էր գրողը. իր սիրելին ուրիշի գրկում էր: «Գոհարիկը չկար: Չկար: Անոր շուքն կեանքն իր մեջ ծրարած, կը գլորեր աջ ու ձախ: Բայց Քառթեւ Լաթենը հոն էր միշտ, իր տեղը, պոռնիկի մը պէս՝ որ իր դրան սեմին միշտ քեզ կը սպասէ» (2. Որբունի, Պատմվածքներ, էջ 23):

Կյանքն անարդար է: Սիրող մարդկանց ճակատագիրը միացնելու փոխարեն բաժանում է: Լույսի պես զեղեցիկ ու մաքուր կինը տարեց մարդու հետ էր ամուսնացել: Այդպիսի կանայք իրականության մեջ քիչ են, մինչդեռ անբարոները եւ անպարկեշտները՝ շատ:

Մի օր գրողը հանկարծակի տեսնում է Գոհարիկին իր տարեց ամուսնու հետ, դրանից հետո նամակ է ստանում նրանից: Գոհարիկը

նամակատարին արգելել էր հայտնել իր հասցեն: Որբունուն գրում էր կարոտի ու ափսոսանքի զգացումով, նա արդեն կատարել էր իր ընտրությունը եւ հետդարձի հնարավորություն չուներ: Կերպեր, որ ծերուկի փոխարեն իր կողքին լինել գրողը, բայց, ցավոք, այդպես չէ: Պետք է համակերպվել կյանքի անարդար օրենքներին: Երբեք չի ցանկանա, որ նա տանջվի իր համար: «Օհ, Եվրոպան խոշոր հանրատուն մըն է, ուր միայն ամենն պոռնիկները կը դիմանան: Գիտեմ թե զգացումներդ կ'ապտակեն այս խոսքերով: Բայց, կեցցի՛ր, քանի սկսայ, պէտք է երթալ մինչեւ խորը եւ խոստովանիլ թե ամենն այսպնելին հայ տղուն պոռնկացումն է: Եվ այս է, որ մեզ կկորսնցնե...» (նույն տեղում, էջ 26):

Հայ աղջիկը կարծես հայ տղաների թերությունների մասին է խոսում: Նա մտահոգ է իր ազգի ապագայի մասին, ցանկանում է, որ Որբունին, որին հայ գրող լինելու պատիվն էր տրված, չխաբվի օտար իրականության բարքերին, ամուսնանա եւ ընտանիք կազմի հայ կնոջ հետ, որ զարմը, հայկական արյունն անխառն մնան:

Պետք չէ նաեւ հայ աղջկան մեղադրել, թե իբր օտար աղջիկների ման նվիրվել չգիտի: Հասարակությունը հայ աղջկանից կուսություն ու առաքինություն է պահանջում՝ «տունը չփոխելու» եւ հանրային նախատիմքից հեռու մնալու համար: Շատ հաճախ դա է պատճառը, որ հայ աղջիկները ճիշտ ընտրություն չեն անում: Այդ ամենը հայ աղջկան տրվում է դժվարությունների գնով, ինչպես Գոհարիկի դեպքում: Վերջինս փորձում է խեղդել իր զգացումները՝ չցանկանալով հայ երիտասարդի տառապանքների աղբյուր լինել:

«Հայուհի» ամսագիր պիտի հրատարակվեր, որի էջերում նրանք խնդրելու էին հայուհիներից թոթափել առաքինության այդ լուծը եւ ձեռք բերել Եվրոպացի կնոջ վայելչությունը: Կյանքի համագամքներն ու օրենքներն էին մեղավոր, որ սիրահարները հեռանում էին միայնացի եւ կտրում իրենց սիրո թելերը: Այդ սերը դառնում էր նրանց երազանքների ու ոգեշնչանքի, բայց միեւնույն ժամանակ տառապագին զգացումների աղբյուրը:

Որբունու պատմվածքների հերոսը տառապող մարդն է, որը հաճախ լուռ ու անտրտունը գնում է կյանքի հոսանքով, տանջվում է, քանի որ չի կարողանում ոչինչ փոխել: Գրողի պատմվածքներում հերոսները կերպավորված են գլխավորապես իրենց ներքին



ապրումների ընթացքի պատկերմամբ, շատ հաճախ ինքնագնումի, ինքնավերլուծության եղանակով:

Երկար ընդմիջումից հետո՝ 1939 թ., Փարիզում Որբունին հրատարակում է «Վարձու սեմյակ» վերնագրով պատմվածքների ժողովածուն, որը ներառում էր 1925—1937 թթ. գրված տարբեր պատմվածքներ: Պատմվածքներում հեղինակի ստեղծագործական ընդունակությունները դրսևորվում էին մեկ այլ կարելուր կողմով: Որբունին կարողանում է իր ասելիքն ամփոփել ծավալով փոքր գործերում՝ սեղմ եւ հակիրճ տողերով երկխոսության մեջ մտնելով ընթերցողի հետ:

Պատմվածքներում հասարակական կյանքը

պայմանավորող հարաբերություններն ունեն սոցիալ-տնտեսական բնույթ: Հերոսների գործողությունները պատճառաբանված են հենց այդ կտրվածքով: Ժողովածուի առաջին՝ «Վարձու սեմյակ» պատմվածքի հերոս Տիգրանը կյանքի դժվարին ճանապարհ անցած, եվրոպական մեծ քաղաքում ապաստան գտած հայ է: Անձանոթ քաղաքում ամեն օր ապրում էր հարազատ մի մարդու որոնման զգացողությամբ՝ փողոցով անցնող ամեն անցողիկի մեջ փնտրելով հարազատ էակի: Անհրաժեշտ էր հույս, հավատ, որ վաղվա ապրուստի հոգիք կքած՝ չծովանար, չհաղթվեր: Տիգրանն իրեն սփոփում էր այն սին հույսով, որ այդ քաղաքը, չնայած հրեշային կերպարանքին, ազատության երկիր է, իսկ աշխատանքը՝ սուրբ: Նա չի համաձայնում անձանոթ մարդու համոզմանը, որ մարդիկ են անտուրը: Տիգրանը համամիտ չէր այս մտքին: Կյանքի նկատմամբ զարգացած անօրինակ վախը վերածել էր նրան հնազանդ կենդանու: Ժպիտն էլ անհամարձակ էր ու ներողամիտ:

Տիգրանի բախտակիցներից էր «Գործագուրկ մը» պատմվածքի հերոս Աշոտ Նշանյանը: Նա էլ Տիգրանի նման ամբողջացնում է 20—30-ական թվականների սփյուռքահայ այն սերնդի դեգերումները, որը, ապրած լիմեյով Մեծ եղեռնի սարսափը, դժվարանում էր կողմնորոշվել անհարազատ միջավայրում: Եվրոպացին երբեք չի կարող հասկանալ հայի արմատախիլ եղած հոգին: «Երբեք, երբեք պիտի չհասկանան անոնք մեր հայու արմատախիլ ոգին: Ինչպես բացատրել զայն: Ինչպես ըմբռնել ծառը առանց հողի ու մեր հոգին, որ տրսմըղդ խշրտոցն է հովերուն մետամիտ չոր տերեւին, որ կցավի ու կիծծի ամեն անգամ, երբ հովերը կփոխեն իրենց ուղղությունը» (2. Որբունի, Վարձու սեմեակ, Փարիզ, 1939, էջ 18): Սա կարծես հայրենագուրկ ամբողջ ժողովրդի տառապանքի ձայնն է՝ բարձր, հզոր, հուժկու եւ միաժամանակ անհասկանալի օտարների:

Շարունակելի

Մերի ՀՈՎՀԱՆՆԻՍՅԱՆ
Բանասիրական գիտ. թեկնածու

ՏԼԹԵՎԻ ՎԱՆԷ

← էջ 4

Գրիգոր Տաթևացին կատարելագործել է համալսարանի ծրագիրը, կազմել դասագրքեր («Գիրք հարցմանց», «Գիրք քարոզութեան...», «Ոսկեփորիկ»), որոնք եղել են մաեւ քարոզության արվեստի, աստվածաբանության եւ Դայոց եկեղեցու ճշմարիտ դավանության լավագույն ձեռնարկներ: Գրիգոր Տաթևացու գործունեությունը նպաստել է գրչության արվեստի զարգացմանը: Նա վարել է գրչության տեսական դասընթաց եւ անցկացրել գործնական պարապմունքներ: Պատրաստել է մոտ 60 մատենագիր (գրիչ): Գրիգոր Տաթևացու մահից հետո (1409 թ.) համալսարանի նախկին հռչակը խամրել է: 1435 թ. Շահռուխի արշավանքի ընթացքում, Տաթևի վանքն ավերվել է, իսկ միաբաններն ապաստանել են Գուգարքում (Սամահի-նի վանքում):

Տաթևի վանքին կից X դ. գործել է Տաթևի մատենադարանը, որը համալսարանի գոյության տարիներին հարստացել է եւ գոյատևել մինչեւ 1911–1912 թթ., իսկ ավերից ու ավարառություններից փրկված 140 ձեռագիր մատյանները տեղափոխվել են Էջմիածին, ապա՝ Երեւան՝ Մատենադարան (Մեսրոպ Մաշտոցի անվան հին ձեռագրերի գիտահետազոտական ինստիտուտ):

Տաթևի համալսարանին կից գործել է մանրանկարչության դպրոց: Մեզ են հասել սակավաթիվ, բայց արվեստի բարձրարժեք գործեր:

XIII–XIV դդ. Տաթևի վանքի եպիսկոպոսությունն ուներ 677 հարկատու գյուղ՝ իր թեմում գտնվող 14 գավառում (Շղուկ, Եվալյախ, Վայոց ձոր, Գեղարքունիք, Սոթք, Աղահեճք, Դաբանդ, Բաղք, Քաշունիք, Կովսական, Արեւիք, Ձորք, Երնջակ, Ճահուկ), բազմաթիվ վանքեր: XIV դ. Զովհան Ռոտունցին Տաթևի վանքի գավթի վրա կառուցել է կամարակապ երկհարկյանի զանգակատուն: 1381–1387 թթ. Լեւոն Թեմուրի՝ Սյունիք կատարած արշավանքի ժամանակ, վանքը կողոպտվել է, հրկիզվել, կորցրել կալվածքների մեծ մասը: Տաթևի վանքը վերստին բարգավաճել է XVII–XVIII դդ.: Առաքել եպիսկոպոսը կառուցել է վանքի հարավային կողմի գավթիքը, Գրիգոր Տաթևացու հիշատակին խաչքար կանգնեցրել: Միմեոն Անգեղակոթցին Պարսից Պարսից հետ է տանցել Տաթևի վանքից խլված կալվածքները: Զովհաննես Շինաթաղցին բազմիցս մեկնել է Սպահան՝ Պարսից Զուսեին 2աիի մոտ եւ վերահաստատել Տաթևի վանքի իրավունքները կալվածքների նկատմամբ, կառուցել արեւելյան դահլիճը, սրբատաշ քարից սեյսակներ: Ներսես եպիսկոպոսը բարեկարգել է վանքը, 1646 թ. կառուցել արեւմտյան խցերը եւ Տաթև գյուղի Ս. Ներսես եկեղեցին: Ձաքարիա եպիսկոպոսը կառուցել է առաջնորդարանի շենքը, իսկ 1671 թ.՝ բնակելի սեյսակներ: Կիրակոս եպիսկոպոս Աղվերձեցին նորոգել է Ս. Պողոս-Պետրոս եկեղեցու գմբեթը եւ վանքի պարիսպը: 1705 թ. Խոջա Անտոնի միջոցներով տեր Միքայելը նորոգել է տաճարը: XVIII դ. Զովհաննես Դալանյանցը նորոգել է վանքի շենքերը, եկեղեցիների տանիքները, կառուցել տնտեսական շինություններ, իսկ 1745 թ.՝ Տաթև գյուղի աղբյուրը: Միմաս Շինաթաղցին նորոգել է վանքի պարիսպը, կառուցել սեղանատուն, խոհանոց, հացատուն: Աբրահամ Աստապատեցին XVIII դ. երկրորդ քառորդին Տաթևի վանքում դպրոց է բացել (գործել է մինչեւ XX դարը), համալիրի հյուսիսարեւելյան կողմում կառուցել 16 դասասենյակով դպրոցի շենք, որն արժեքավոր է որպես Դայաստանի ու միջնադարի կրթական կառույցի՝ մեզ հասած միակ օրինակ: Զովակիմ արքեպիսկոպոսը 1787 թ. եկեղեցու հարավային մուտքի առջեւ կառուցել է Գրիգոր Տաթևացու մատուռ-դամբարանը, հյուսիսային պարսպի բուրգերը, բնակելի սեյսակներ, ձիթհանքի շենք եւ այլն: 1796 թ. եւ 1826 թ. վանքն ասպատակել են պարսից զորքերը եւ կողոպտել:

Արեւելյան Դայաստանը Ռուսաստանին միանալուց հետո (1828 թ.), Տաթևի վանքի վանահայր Մարտիրոս եպիսկոպոսը ռուսական իշխանությունների միջոցով վերադարձրել է վանքից խլված կալվածքները, հիմնովին նորոգել Տաթևի վանքի համալիրը, Տաթև գյուղի ճանապարհը, Կաքավասարից ջրագիծ անցկացրել, տնտեսական նոր շենքեր կառուցել:

1837 թ. Տաթևի վանքի մետրոպոլիտությունը վերացվել է, եւ Սյունիքը կազմել է Երեւանի թեմի մի մասը: 1858 թ. Տաթևի վանքն ունեցել է 70 հարկատու գյուղ, 1898 թ.՝ 15 գյուղ եւ 5 միաբան: 1862 թ. Ս. Պողոս-Պետրոս եկեղեցու արեւելյան կողմի նորոգել է Զովհաննես արք. Ասլանյանը, 1865 թ. վանքի հյուսիսային կողմի շենքերը՝ վանահայր Սարգիս Գասպարյանցը: XIX դ. վերջին քանդել են վանքի գավթին ու զանգակատունը եւ XX դ. սկզբին, տաճարի արեւմտյան ճակատին կից, կառուցել բարձր, եռահարկ, շքեղ, քանդակազարդ զանգակատուն: 1931 թ. ապրիլի 27-ին Տաթևի վանքը երկրաշարժից ավերվել է, քանդվել են Ս. Գրիգոր Լուսավորիչ եւ Ս. Աստվածածին եկեղեցիները, Ս. Պողոս-Պետրոս եկեղեցու գմբեթը, զանգակատունը, սյունասրահը: 1974–1998 թթ. վերակառուցվել են եկեղեցիները, տաճարի գմբեթը, նորոգվել բնակելի եւ տնտեսական շենքերը, պարիսպը, զանգակատան առաջին հարկը:

Շարունակելի

Արման ՄԱՆՈՅԱՆ
Պատմական գիտ. թեկնածու

ՀԱՅ ԻՄԿԱՆՈՒԹՅԱՆ ՈՒ ԱՐՎԵՍՏԻ ՀԱՐՅՈՒՐԱՄՅԱՆ ՄԵՍՈՒՆԲԱՐԱՆԸ

← էջ 6

Սրահների գունային ձեւավորումը եւս ինքնանպատակ չէ. գրականության 2 սրահներում իշխում է թանաքագույնը, թատրոնի եւ երաժշտարվեստի սրահներում՝ կարմրաշագանակագույնը՝ թատրոններում եւ համերգասրահներում առավել ընդունված գույները:

Չարենցի անվանակիր թանգարանի հատվածներից է «Միջին Արեւելքի արվեստ» ցուցադրությունը, որ ներառում է



սփյուռքահայ նկարիչ, հողարվեստի ուղղության հիմնադիր Մարկոս Գրիգորյանի հավաքածուն. ընդգրկում է մոտ 2 500 բնօրինակ ցուցանմուշ: Հավաքածուն Մ. Գրիգորյանը նվիրաբերել է Դայաստանին 1993 թ.: Ցուցադրությունն ընդգրկում է Ք. ա. 4-րդ հազարամյակից մինչեւ մեր ժամանակների իրանական, հայկական, եվրոպական, ամերիկյան հոգեւոր եւ նյութական մշակույթի արժեքներ, այդ թվում՝ Էլամի խեցեղեն, վաղ բրոնզի դարի խեցեղեն, Վանի թագավորության բրոնզ, հայ գորգարվեստ, իսլամական միջնադարյան արվեստ, մանրանկարչություն, գեղագրություն, դաջարական կերպարվեստ, զարդարվեստ, տարագ, Մ. Գրիգորյանի հեղինակային ստեղծագործությունները՝ հողանկարներ, գեղանկարներ, գորգեր: Գրիգորյանն ունի նաեւ հարուստ գրադարան, որը եւս պահվում է ԳԱԹ-ում:

Հավելենք, որ մեկ դարը բոլորած թանգարանի ֆոնդերում առկա զանձերի փոքր մասն է մշտական ցուցադրությամբ ներկայացված:

Մշտական ցուցադրության մի յուրօրինակ հավելում կարելի է համարել թանգարանի տարածքում 2007 թ. բացված հայ դաշնաահար, կոմպոզիտոր Ստեֆան Էլմասի հուշասենյակը: Այն ներառում է մոտ 100 միավոր թանգարանային նմուշ, որոնցից են Էլմասի տպագիր երկերը, լրագրային կտրոններ, հաներգային ծրագրեր, 2 շատ արժեքավոր ցուցանմուշ՝ Էլմասի մատիտանկարը (հեղինակ՝ Է. Ռապեն) եւ կիսանդրին (հեղինակ՝ Ջ. Գրոսս). ի դեպ, Ռապենը ձեռքեր չի ունեցել, նկարել է ոտքերով: Այստեղ է նաեւ Էլմասի ռոյալը՝ պատրաստված իր պատվերով: Դայ մեծ կոմպոզիտորին վերաբերող մի շարք արժեքավոր նյութեր է թանգարանին ընծայել Շվեյցարիայում գործող «Ստեֆան Էլմաս» հիմնադրամը, որի օժանդակությամբ էլ ստեղծվել է այս գողտրիկ անկյունը: Էլմասի հուշասենյակի բացմանն ի սկզբանե իր նպաստն է բերել նաեւ ֆրանսահայ երաժիշտ Ալեքսանդր Սիւրանյանը:

Փարիզահայ Անահիտ Գրիգորյանի աջակցությամբ 2008 թ. վերանորոգվել է թանգարանի դահլիճը՝ վերափոխվելով կոմիտասյան սրահի: Այսօր այն, միստերի ու հաներգների դահլիճ լինելուց զատ, հայ երգի Մեսրոպ Մաշտոցին նվիրված մի տպավորիչ ցուցադրություն է:

Անշուշտ, լինում են նաեւ ժամանակավոր ցուցադրություններ. թանգարանը տարբեր առիթներով ու թեմաներով ժամանակավոր ցուցադրություններ է կազմակերպել ինչպես իր սրահներում, այնպես էլ հանրապետության այլ քաղաքների ու արտերկրի զանազան հաստատություններում: Նշանակալից էր հատկապես, այսօր արդեն ցավ ի սիրտ, բայց ոչ անհույս պիտի հիշենք, Շուշիի ազատագրման մեկամյակի առթիվ 1993 թ. կազմակերպված «Շուշի. մշակութային կյանքի մեկ դարը (1820–1920) ցուցահանդեսը, որով թանգարանն իր ջերմ մասնակցությունը բերեց Արցախյան շարժմանը: Ցուցահանդեսը միառժամանակ ներկայացվեց նաեւ մեր մեկ այլ մշակութային քաղաքում՝ Գյումրիում, ապա հանգրվանեց Շուշիում: Թանգարանը 2 անգամ առցանց թարմացրել է այդ ցուցադրությունը, քանզի սկսեցին վիճարկել Շուշիի հայկական լինել-չլինելու հարցը:

Արժե հիշել նաեւ 2000 թ. 4. Պոլսո Դայոց պատրիարքարանի աջակցությամբ կազմակերպված «Դայ Պոլիս» ցուցահանդեսը, որը լայնորեն ներկայացրեց Պոլսո հայ գրական, կրթական

ու մշակութային կյանքի համապատկերը: Ի դեպ, պոլսահայ կոմպոզիտոր Սիրվարդ Գարամանուկի երաժշտության հիման վրա թանգարանի անվամբ եւ խորհրդատվությամբ նկարահանվել է «Ախթամար» կինոնկարը՝ ըստ Թումանյանի համանուն ստեղծագործության:

Դոբելյար հաստատությունը սերտացնում է միջազգային կապերը ոչ միայն իր հոգեւոր զանձարանը համալրելու, այլեւ այն առավել լայնորեն հանրահռչակելու նպատակով՝ հատկապես ցուցահանդեսների միջոցով: Վերջին տարիներին թանգարանի որոշ նյութեր տեղ են գտել Նորվեգիայում, Ֆրանսիայում եւ տարբեր երկրներում կազմակերպված ցուցահանդեսներում:

Ցուցահանդեսները սովորաբար զուգակցվում են տարբեր տարեդարձներին ու մշակութային իրողություններին՝ նվիրված գիտական ու գեղարվեստական միջոցառումներին: Թե ցուցադրական եւ թե զանգվածային աշխատանքները նախաձեռնում է թանգարանի գիտացուցադրական բաժինը, իսկ այդ ձեռնարկումներին մասնակցում է թանգարանի ողջ աշխատակազմը՝ ներգրավելով հանրապետության գիտագեղարվեստական ներուժը:

Առհասարակ թանգարանը սոսկ արժեքավոր առարկաներ հավաքող, ուսումնասիրող, պահպանող ու ցուցադրող հաստատություն չէ, այլ նաեւ կազմակերպական, կրթադաստիարակչական լիարյուն կյանքով ապրող մարմին՝ մշտապես նախաձեռնող, որոնող, պրպտող, արարող, մարդկանց հոգիներում գեղեցիկ սերմեր ցանող: Դարյուրամյա հաստատության կյանքի անբաժանելի մասն են տարաբնույթ միջոցառումները: Թանգարանն անտարբեր չի եղել ոչ մի կարեւոր հոբելյանի նկատմամբ, իր կազմակերպած գիտական նստաշրջաններով, հաներգներով, դասախոսություններով, գրքերի շնորհանդեսներով եւ բազմաբնույթ այլ նախաձեռնումներով մասնակցել է երկրի գիտական ու մշակութային կյանքին:


Դոբելյար թանգարանը ցուցադրական ու զանգվածային աշխատանքներ է ծավալում նաեւ հանրապետության մարզերում՝ տեղի թանգարանների հետ համագործակցաբար, եւ հատկապես՝ իր մասնաճյուղերի միջոցով: Վերջին տարիներին թանգարանն իր յուրահատուկ միջոցառումներով մասնակցում է նաեւ Ֆրանսիայի թանգարանների նախաձեռնած «Թանգարանային գիշեր» ակցիային, Եվրոպական ժառանգության օրերին, ինչպես նաեւ ամենատարբեր միջազգային նախաձեռնությունների: Մշակութային օջախը միջոցառումների պալատ չի ունեցել մոյնիսկ չարաբաստիկ 2020-ին. երկրագունդը ճիրաններում պահած թագավարակի ամիսներին անգամ կազմակերպվել են մի շարք միջոցառումներ՝ Միեր Սկրտչյանի 90-ամյակին նվիրված ցուցադրության բացում եւ արխիվի հանձնում, ամանորյա բարեգործական միջոցառում՝ Արցա-



խում զոհված կամ վիրավոր զինծառայողների ընտանիքների երեխաների համար, «Խրիմյան Դայրիկ – 200» ժամանակավոր ցուցադրություն՝ առցանց եւ կենդանի, Գուրգեն Էդիլյանի «Խաչատուր Աբովյանի կյանքն ու գործունեությունը» գրքի շնորհանդես, Ռուզան Արիստակեսյանի «Գրական վավերագրեր (1920–1930-ական թվականներ)» քառահատորյակի առաջին գրքի շնորհանդես, «Երգարան» առցանց հաղորդաշար, «Մեր թաղի մարդիկ» առցանց ներկայացում, «Ղեւոնդ Ալիշան – 200» առցանց ցուցադրություն, «Սպիրիդոն Մելիքյան – 140» առցանց ցուցադրություն, «Հեքիաթի աչքերով» առցանց հաղորդաշար, «Թանգարանների գիշեր – 2020» ակցիա՝ առցանց, «Մեծ հայրենականի Մեծ հայերը» առցանց շարք եւ այլն: Այս՝ 2021 թ. սկսվելուն պես թանգարանը վերսկսեց միջոցառումների շարքը. անդրանիկ ձեռնարկը հունվարին Դայկազ Խաչատրյանի կտավների ցուցահանդեսն էր, որին, իհարկե, հաջորդել եւ հաջորդում են այլ ձեռնարկներ:

Դրաչյա ԲԱՆՈՅԱՆ (ԱՐՄԵՆՅԱՆ)
Բանասիրական գիտ. թեկնածու

ՀԱՅՐԵՆԻՔ-ՆՐԱՄԱՆՈՒԹՅՈՒՆ ԿԵՂԵ ԹՈՒՄԱՅԱՆԻ ՍՏԵՂԾԱՄՈՐԾՈՒԹՅՈՒՆՆԵՐՈՒՄ՝ ԸՍՏ ՀՐ. ԹԱՄՐԱԶՅԱՆԻ



ազգն արթնացնելով դարավոր միջինը եւ փշրելով ընդարձակ մտքի կապանքները: Իրենց ստեղծագործություններով նրանք նպաստեցին ժողովրդական ոգու արթնացմանը՝ կենարար հոսանք հաղորդելով հայ գրին եւ գեղարվեստական ողջ մտածողությանը: Այդ գործն ուներ մեծ բովանդակություն. դա եվրոպական քաղաքակրթության եւ ազատագրական իդեալների հաստատումն էր հայ իրականության մեջ:

Ընդունելով այս ժառանգությունը՝ Թումանյանը, հոգեպես շատ թելերով կապված լինելով նախորդների հետ, միաժամանակ պետք է առաջ նայեր: Նա երիտասարդ հասակում, բերելով հարգանքի եւ սիրո անխտրամադիտությունը իր նախորդներին, սկսում է նոր կողմերից նայել ազգային կյանքին եւ արվեստի բովանդակությանը: Բնականաբար, հետեւելով մյուս ժողովուրդների գրականության փորձին եւ մեր կյանքի ու գրականության զարգացման ներքին տրամաբանությանը, նա առաջադրում է հայրենիքի պատկերման եւ հայրենասիրության նորագույն բարձր որակի ստեղծման խնդիրը: Հայրենիքը բազմաթիվ գծերի՝ սոցիալական, քաղաքական, կենցաղային եւ բարոյական, բնական եւ աշխարհագրական, հոգեբանական հատկանիշների օրգանական ամբողջությունն է: Ճշմարիտ հայրենասիրությունը պետք է տեսնել այն ստեղծագործությունների մեջ, որ հայրենիքը պատկերվում է ավելի խոր եւ բազմակողմանի: Նախորդները լուծել էին խնդրի միայն մի կողմը, թերեւս այն պատճառով, որ ժամանակը գերազանցապես առաջ էր մղել հենց այդ կողմը՝ քաղաքականը:

Սակայն արդեն նոր դարաշրջանում ընդգծվել էին բոլոր հատկանիշները. հայրենիքն ապրում էր բարդ կյանքով: Թումանյանը լավ զգաց այդ փոփոխությունը եւ բերեց հայրենիքի երգը՝ ավելի հարուստ երանգներով, ազգային եւ համամարդկային առնչություններով:

Հի կարելի ասել, թե քաղաքականից զատ՝ նախորդ շրջանի բանաստեղծներն ուրիշ երգ չեն երգել: Բայց հանգամանքների պատճառով այդ տրամադրությունները չէին կարող առաջնային դառնալ, քանի որ կյանքում ծնվում էին նոր երեւույթներ, որոնք, սակայն, դեռեւս չէին ընդգծվել ամբողջ ուժով: Արեւելահայ բանաստեղծներից կարելի է իիշել Թումանյանի անմիջական նախորդներին՝ Ղ. Աղայանին, Յ. Մանուկյանին, մասամբ՝ Ա. Ծատուրյանին, որոնք ստեղծում էին բնաշխարհի երգը, մոտենում մարդկային կյանքի կնճռոտ երեւույթներին: Ժողովրդական կյանքն արտացոլող այդ նմուշները, որոշակի գեղեցկություններով հանդերձ, այնուամենայնիվ, որակական թռիչք չէին նշանակում հայ գեղարվեստական մտածողության մեջ: Նրանք գերազանցապես ինչ-որ արահետներ էին նշում նոր սերնդի բանաստեղծների հետագա ճանապարհի համար:

Թումանյանը ձգտում է լինել իր հայրենիքի նոր կյանքի երգիչը՝ ազգային եւ եվրոպական իմաստով: Եվ նրան հաջողվում է հասնել այս դժվարագույնին: Նշենք, որ Հայաստանը բաժանված էր երկու մասի, որոնցից յուրաքանչյուրն ուներ իր առանձնահատուկ ցավը. մեկը՝ ֆիզիկական ոչնչացման սարսափը, մյուսը՝ սոցիալական-քաղաքական ճնշումը: Այս բոլորը մեծացնում էին ազգի տառապանքը՝ հսկայական մյուս ընձեռնելով երկու դարի արանքում ծնված գրողներին՝ ազգային եւ համամարդկային ընդհանրացումների համար:

Ինչպես մեր կյանքը, այնպես էլ գրականությունն ունի զարգացման ուղույն, հակասական, «անբնական» թվացող մի հատկություն: Նոր գրականությունը կարճ միջոցում անհրաժեշտաբար պետք է իր մեջ խտաց-

մեր քաղաքակրթ ժողովուրդների անցած գրական հոսանքների փորձը եւ միաժամանակ կրեր նորագույն գրական մտածողության ազդեցությունը:

Արդեն Չարենցն էր նկատում, որ մեր գրականության մեջ կողք կողքի դեռ կենսունակ են գրական՝ գրեթե անհարիր թվացող հոսանքները: Ավելին. Թումանյանի խոսքով ասած՝ նոր գրականությունը սկսողների մի մասը դեռ ապրում էինց այդ նոր սերնդի հետ: Որոշ պայմանականությամբ ասենք, որ Պոլեզկինը եւ Լերմոնտովը, Նեկրասովն ու Բլոկը, Մայակովսկին ու Եսենինը ժամանակակիցներ էին կամ ստեղծում էին գրեթե միաժամանակ: Եվ դա, բնականաբար, չէր կարող իր ազդեցությունը չունենալ հայ գրողների գրական մտածողության վրա՝ բերելով իր հետ նոր որակ:


Ավանդների եւ նոր բովանդակության, նոր, բարդ կյանքի տված բազմերանգ նյութի մարմնավորման միջոցով հայ բանաստեղծությունը դառնում է ոչ թե գրական ձեւերի ու եղանակների մի թանգարան, այլ ազգային որակ, որը տեղ է նվաճում 19-րդ դարի վերջի եւ 20-րդ դարի համաշխարհային գրականության պատմության

մասին գումարում է նոր հայրենիքի ուժը, հույսի եւ լույսի երազը:

Թումանյանը մեր ամենալավատես հեղինակն է, բայց չի կարելի անտեսել այդ լավատես բանաստեղծի ծանր դրաման, հոգու ամպամած պահերը, որոնք գալիս են ժողովրդի բախտից:

Նրան գրվում էր Աբովյանի շիկացած հայրենասիրությունը, որն ուներ խոր բնականություն եւ հենված էր ազգային կյանքի իրական պատկերների վրա: Այն իր հերթին արտահայտում էր «հայի տանջանքն ու տենչանքը»: Եվ Թումանյանը ձգտել է մի նոր եղանակով արտահայտել մարդու եւ ազգերի ճակատագրերը, դասերի ու դասակարգերի հակասությունները: Նրա կերտած դրական հերոսներն ամբողջանում են իրականի եւ իդեալականի, ապրած ցավերի եւ երազների, ներկայի եւ գալիքի պատկերացումներից: Նա սիրում է մարդուն, հայտնաբերում այդ մարդու ներքին հարստությունը՝ տանջանքների եւ տենչանքների աշխարհը, եւ աստվածացնում նրան:

Թումանյանը բազմակողմանի, ամբողջական, իրական եւ իդեալական, ճշմարիտ եւ ընդգծված ստեղծում է նաեւ ժողովրդի



մեջ: Այս արժանիքն ունեին արեւելահայ եւ արեւմտահայ նշանավոր բանաստեղծները՝ Իսահակյանը, Սեֆարենցը, Սիմանթոն, Տերյանը, Վարուժանը եւ, իհարկէ, ինքը՝ Յ. Մանուկյանը: «Արարատը մեր նոր քերթության»:

Թումանյանի մեծությունը հասկացել են հենց ամենից առաջ Իսահակյանը, Տերյանը, Չարենցը: «Թումանյանի սլացումներից այն կողմ չի սլացել մեր ոգին» (Իսահակյան), «Թումանյանն օլիմպիական մեծություն է, անկրկնելի, ունիկուն» (Տերյան), «Թումանյանն է անհաս Սարատը մեր նոր քերթության» (Չարենց): Իրավացի էր Չորյանը՝ ասելով. «Այսպես կարող էր գրել միայն նա, ով հասու է իր աղետներ տեսած ժողովրդի հոգեբանությանը եւ նրա պատմողական ոճին»:

Մի խոսքով՝ Թումանյանի ստեղծագործությունները՝ սկսած Էպոսից մինչեւ հեքիաթ, լեգենդից մինչեւ գրույց, հավերժականի հայտնաբերումն է հնի մեջ՝ լուսավորված հանճարի լույսով:

Թումանյանն ստեղծում է մեր հայրենիքի կերպարը գրականության մեջ՝ քաղաքական, սոցիալական, բարոյական, զուտ հայկական եւ համաշխարհային դրամատիկ անցումներով: Նա չունի Սիմանթոնի եւ Չարենցի մտասէռումը զուտ քաղաքական թեմայի նկատմամբ, քանի որ ուներ մի շարք այլ մեծ նպատակներ եւ կարեւոր ասելիքներ: Բայց այստեղ էլ նա, այնուամենայնիվ, ուսուցիչ է եւ ժառանգորդ, ժառանգորդ հնի եւ որոշ կողմերով՝ հունի հարթող մի հեղինակ նորագույն սերնդի համար: Նա «ողբի հայրենիքի» պատկերներին օրգա-

նալաքական կերպարն ու հավաքական հոգեբանությունն այն դրամատիկ բախումներով, որոնք խոր ճեղքեր են առաջ բերում նաեւ անհատների հոգեկան աշխարհում:

Այսպիսով՝ Թումանյանի ստեղծագործությունները գեղարվեստի մեջ բերում են մի նոր դարաշրջան, որը թե՛ նյութով, թե՛ կատարմամբ փակում է 19-րդ դարի հայ գրականության նվաճումների գիրքը եւ բացում արվեստի պատմության նորագույն էջ:

ԱՐՄԵՆԻԱՆԱԼ

ՔՐԻՍՏՈՆՅԱ ՋԱՅԱՍՏԱՆ

Կրոնական, մշակութային, լրատվական երկշաբաթաթերթ

Հիմնադիր՝

Մայր Աթոռ Սուրբ Էջմիածին

Հրատարակիչ՝

«Քրիստոնյա Հայաստան»

թերթի խմբագրություն

Գլխավոր խմբագիր՝

Աստղիկ Ստամբուլյան

Գրանցման վկայական՝ 624

Խմբագրության հասցեն՝

Մայր Աթոռ Սուրբ Էջմիածին

Հեռախոս՝ (010) 517 280

Էլ. փոստ՝ qristhay@etchmiadzin.am

astghikstam@gmail.com

web կայք՝

krishayas.wordpress.com

Ստոր. տպագր. 18.08.2021 թ.

Տպագրման կոդ՝ 1225